



蟬桐詩集卷第六

貴池劉城伯宗著
二妙集四十三

五言律

水中樓景秦淮作

樓上誰家子憑闌照靚妝
蔽虧垂錦袖彷彿看沙棠
汲月銅餅近臨風石徑長
豔香天外隔影在水中央

聞新蟬

高柳藏幽響今朝第一聲
清修悲壯士振厲警平生
驟雨因時默衝風又早鳴
秋光雖尚遠吐咽感吾情

觀蓮下游魚

照眼池塘裏香光上下勻
綠藻初放蒂白小正纖鱗
出水疑珠寶衝波狎釣緝
緝偶驚疏雨過錢葉乍藏身

湖心閒望

妙四十三

春流欲漸盈春草與沙平
廓落千峰遠微茫一氣迎
牛羊歸日夕鐘磬度鐙明
隔岸城闌裏勞勞百慮并

示內

安之勿復疑歡怨自前期
看我度當勝知卿好不為
低頭宜以諷捉鼻是其癡
法喜妻何似閒庭靜夜思

寄吳寬生

光裕

與君不可別別况遂經時
髀肉今何似寬生有髀數三十首
唾壺久已知漸疑貧共病
應悔賦兼詩狗監或當識
他人安望之

期次尾不至

積雨隱黃鸝酷筒倦小奚
對窗花信減隱几月魂迷
遙憶山中好因忘此地悽
朝來又起望可不在前谿

喜次尾至

逢迎吾自苦歎爾白雲深
薄俗疏狂謝孤懷風雨侵
感時賈

傳涕即事范滂心碌碌輕餘子高談一坐陰

湖上與楚僧話憶諦公

問爾洞庭秋如何客思愁濤聲他處有寒色此中留悶默微
香至沈陰小磬收遠公今若在門徑倍能幽

夜不得眠

孟冬寒不至長夜思紛紛屈首原非策雄心未可云冰霜成
劔氣昂畢指星文擁絮難呼僕嚴更獨盡聞

詠小兒采菱

羣兒跨濁水赤日摘生菱翦葉舒前足推船下右肱獵爭喧
五月裸戲祝三登輒角誰為蓄難將渤海徵

答泰和曾房仲見過即貽二詩及子鑾之作

房仲為吾邑廣文好

寥落菰蘆士何當玄賞偏到來光氣滿坐久性情連楚澤歌

浮屠之說詩尚竟陵

妙四十三

二

堪和曹谿語不傳引人趨著勝使我愧從前

傳經差有志家世總專愚一誤書連屋重儂古與徒康成來
授學子慎始稱儒從此風期在微言道不孤

村夜

日暮天新雨山窮道少人當墟有寡婦繞家盡罷民水蹙平
沙遠扉憐獨樹鄰支牀不敢寐中夜起酸辛

夏苦寒

伏日霖如故寒風若為吹皆言愁足賦不用雨催詩亭午翻
陰晦園丁願赫曦捕蛙僮給賣猶復禁織兒

雜興

曉起懷佳句晨鐘已數撞看花逢犬吠燒筍覓雞腔甲子憑
誰記壬人語獨吮行吟兼散髮好去隱南涼

馬肝爭漢殿駿骨列燕臺羣寇洶洶滿諸公袞袞來三鑽真

妙術五餌見弘裁但得投時好何曾棄不才
花飛翠雨後日靜獨披雲撒字嘗輕讀簫聲自遠聞小園魚
一寸東壁鹿三斤意氣知何益陶然送隙驛
載酒人相問探奇我亦隨昭明存爪髮供奉有破池豔曲除
三婦詩成示兩兒霜華吾已見昂首思雍熙

羣盜

羣盜尚如此江城未可依健兒身手劣祈父爪牙非鼯鼠能
中飽飛鴻恆苦飢從來比管樂今欲泣牛衣

效唐樂府十二首

感觸古題皆傳以時事與初指絕不同

上之回

鸞旂百辟導玉輅指回中雍祀歌時練汾祠頌物祠崇儒卑
樂泮閔武陋蒐紅不欲徒垂拱乘龍勞聖躬

妙四十三

三

戰城南

漢塞無天險匈奴有老謀直趨城下戰用作聖人憂烽火牌
睨照攻圍殿閣籌君王同自將頗牧急難求

巫山高

巫峽青天上蠶叢日蔽虧客愁棧道險吏恃劔門嬉秦將山
方鑿楚臣夢莫疑往來今有路容易直如達

上陵

上陵美無極盤磴樹綢繆弓劔神祇守衣冠寢廟游妖氛命
正短蔥鬱氣方浮豐畢橋山地無勞聖后憂

芳樹

上林盛嘉樹翡翠玉菁蔥春早枝枝豔雲深色色曠池無鱗
甲動地絕馬牛風葭茁關王化榮枯歎此中

臨高臺

暮雲天際合悵望一登臺碣石千年在黃河幾折來貢珍輸
不至鳴鎗響方哀回首中原地悲思麟閣才

遠如期

四序易為變一言難具陳羽書常歲月塞外幾冬春白髮老
征戍青萍坐逡巡封侯事可晚殺賊志須申

隴頭水

隴頭獨漉水嗚咽感征夫昔飲單于馬今吞張角符澄清無
歲月來往此哀呼無限秦涼客爺孃淚眼枯

洛陽道

冠蓋天津盛遨游洛水蒼佳人閒寶瑟公子控飛颺盜滿息
矯國兵屯賁赫家自從征募急鼎食滅繁華

長安道

九陌連雲第三橋錦憶車從來畿甸服今尚俠游居歎息趙

妙四十三

四

張後縱橫原褚初殺人軼道慣延及四郊虛

紫駟馬

玉勒銀鞍飾青虬紫燕姿馳驅鬪稽洛騰逸奪焉支一自張
騫死曾無昧蔡遺岐人沉盜食翦拂莫言疲

劉生

東平有劉生經術自西京樂道輕千駟觀書勝百城鴻飛當
日志龍臥此時情感遇酬知重荆高未足名

虎邱坐月

生公既已去此月至今存一石平如掌千人聚若萍寒光原
野合劍氣水雲行共是登臨客興懷各有情

答張西銘

虎邱見贈兼致張來章

惟我知張仲人傳博物編蟲魚注釋小麟鳳德儀全婁子江
悲咽壬夫語曲卷相攜宜鼓澤有友漢陰前

輓宮詹姚現聞 希孟

兩曜經天在斯人不百年文章還造化勛業付先賢紫極前
丞闕黃扉左席捐徒深廚顧憾有識共潸然
昔年當瑾直不死主恩深碩果遺留意香荃紉佩心一朝藏
大壑白日復重陰感逝傷元老蕭蒿徒滿林

玄宰收真氣元臣謝世氛甄陶既不願服食豈須云國是憑
誰付羣賢責自分雞林問遺跡沆漉有高文

王正二日吳湯日

道新

北上渡江話別

昨日當元會君來喜氣流辛盤初獻爵葦索拂重裘淮北無
堅壁江南盡戍樓金門方詔問好去急同舟

寄周勒卣

立勳兼記徐闇公

乎遠

錫山無事好著屐有周郎曲水尋觴跡梅花映鐵腸前身公
瑾是攜手偉長狂游處今同否玉臺辭正芳

妙四十三

五

采石得眉生書因懷仲馭

相持咸塞默競看一書生不識批鱗逆猶將做舌爭聖朝優
蕙直名士嗜孤清待女周郎久山居得耦耕

用韻答魯孺發

驅車雖北首何以入承明奉檄容吾緩離歌為爾賡漫游觀
壁壘極望志澄清勿謂秋防過搖搖是漢旌

君自新亭客單衣看此時塵霾高朔幕羅網滿茅茨氣激飄
萍合歌翻逐葉遲朱雲寂寞後白日到今茲

揚州

不作揚州夢真成此地過琴聲知已絕濤色近如何懷古猶
煙月遭時難嘯歌一亭兩使者意氣寺人多

高郵道中

路漸入淮海風全自廣陵酒帘行客逐米價僧人凭簷瓦齊

臨水莊遠直似繩鷓鴣舡架立不解有漁曾
我觀湖上色真駭廣陵濤底定猶如此微生誠一毛混茫何
處接魚鳥自為曹齊俗論時事梯航漸覺勞

清江浦重九贈主人劉生

生本武甯去而為諸生浮沈作北道主人能詩而敏捷是

日余不見菊

此日名堪愛征夫情奈何有家在秋浦前路已黃河戍古霜
先劇思清句易哦東平自昔俠使我旅顏配
我未逢南菊君方種邵瓜浮沈曲狗禮隱見僧牛家刻燭詩
能速銜杯氣欲奮驅車北渡者回首望平沙

贈大理葉公

成章

金沙好氣節淵鑒早能收吾道本如是諸生同此求相門羞
執掃宣室望難留坐聽吹笳角徒為燕市游
捧檄情難已談兵意豈為久思宮闕壯不擬士人窺絳灌吾

妙四十三

六

宜避殷樊敢受知行藏莫問卜就正有師資

公嘗督學南畿

贈馮躋仲

京第

黃羊逐近甸赤縣盡穹廬試看鳴笳月難彈長缺魚經生空
短刺上將苦中車及爾馮公少宜招問素書

都門逢青陽熊文話舊賦贈用壁間韻

年少芙蓉秀晚成燕薊游銜杯調咸里走馬看頭奴畜荆

高客筍餘管樂傳笳聲吹正急試拂舊吳鉤

姚都諫以抗言兵事左遷諸公贈詩和韻送別

共是籌兵者偏分逐與安孤臣飄泊易送客和歌難猶自風
煙滿真知刁斗寒功名憎疏草不忍教人看

昌平道中望陵後諸山

自有天為險況當眾作城軍容犀鎧滿山勢鳥飛輕魏尚如
能守匈奴敢復橫問人丙子事正此中行

恭謁長陵

化國成天下因夷介作華龍乘曾自將螭石敢誰譁日月松
楸照乾坤豐鎬遐卜年應過曆總是孝陵家
榆木蒼梧事南巡北伐同勞心真二帝藏劍自羣工代邸承
高廟興池近闕宮人天神鬼肅石馬但嘶風

行經昭陵

恭默無為德明融有象朝故應宗作穆誰號寢為昭翠嶂安
龍馭丹霞靜鳳韶羣真佳氣聚葆羽在層霄

恭謁定陵

鳳曆萬為紀龍髯百爾空成康思聖德橋畢見玄宮薄海涵
濡久羣靈雍肅同至今遺老泣熙皞鬱蔥中
殂落放勳死其神又百年音容留樂利弓劍寄山川此日思
惇大當時類靜玄小臣識天寶歎息翠微邊

妙四十三

萬壽寺大鐘

是永樂中鑄天啟間仆之地
內外皆法華諸經字畫如刻

五金銅作質萬杵帝為施字滿恆沙數聲聞浩劫知苔沈因
法重山應動人思象力雄如此西隄大導師

玉泉寺

泉源真出此京國小崑崙盡滌衣冠想能留雲鳥痕天花存
散木古德住荒村徙倚斜陽好憑虛思曉暎

呂公洞

洞有夏文
愍公題句

洞亦非林屋泉堪作虎谿層臺空氣接曲磴古香栖斷碣存
朝貴晴嵐待客攜前山皆俯視回首聽天雞

香山寺得中字

寺有神皇御書來青軒及秀鬱諸額肅皇曰惟香山
獨有翠色

羣青來几席獨翠散林叢帝釋宇皆滿人天句最工振衣觀

法界遺慮受天風欽止聞神語乘輿杳靄中
妙香何處處云在此山中秀鬱羣峰立清華一氣通泉甘皆
出石松老亦成翁近說諸天尼鬢孤見射空

碧雲寺得天字

空王原勝好帝里倍華妍金碧成巖廣雲霞照法筵真稱眾
香國何處小西天獨有除凡具靈泉一道翻

低回此佛土悲喜想諸天妙麗空中構豪華教外傳鑿山常
侍隧志墓宰臣篇瞻望諸陵近威靈懾禿旃

祕魔崖

崖傳二龍又有雙
松奇甚松亦云遊

二龍海底去一佛石龕存樹杪成樓閣盤空但影痕有魔何
處祕無法亦為尊狡獪蒼松伎拳奇使我們

臥佛寺

津梁未可疲勝地暫相宜山冷苔無跡臺閒鳥亦慈諸天蒼

妙四十三

八

壁迴古德老松恰夢覺何年事貪眠直在茲

過武清侯故第

恩澤有今日容華自昔時連雲羅雀地覆水定昆池扞網緣
何坐蕭牆豐自貽壽寧近代事前轍豈難知

路人夷屨埒高棟落梁恩門客新侯致監奴獄吏持城南田
轉賞沁水里空為金穴真餘幾毀家亡國遲

君思念簪履家難自傷夷往事人能說明廷法不私金張成
代謝田寶久推移近見王都尉爰書又有辭

時王謝馬
曷亦奪爵

劉羽長

之鳳大行索題其隱德錄

古德鴻光遠杜陽今有之桃源雞黍意舍衛鉢衣思井日為
良友沙門戀導師五男供紙筆隱見總何知

我遇輜軒使云為漢代孫憂時論表餌履露感晨昏資父當
圖國揚名乃報恩欲知隱君子亦賴鼎彝存

西隄道中

到此是江南清渠出遠潭諸峰微見翠雜樹每蒙嵐耕牧閒
能整蟲魚樂亦酣一龕財倚徒數武又精藍

頓爾失繁華清光逐處遐平沙鋪淺穀弱柳墜新鴉紺碧遙
岑寺開舍別院花籃輿憩疏檝欣見老農家

贈答孫松石太僕三傑

惆悵今朝別相知定白頭東林餘碩果平地有摧斬世以忠
為謗公因直報讐曰歸無一事長誦畔牢愁

答李括蒼太史建泰

大道榛蕪久如公復幾人儒生空隕涕丞相但能嘆凱奏誰
拋甲離歌最苦辛自憐經術短何敢佩青綸

答張季筏

我行車齒利握別北風侵玄草蒙醯頂青蓮費錦心更生徒

妙四十三

九

照火傳說未為霖最憶清谿曲維舟柳十尋

酬王敬哉崇簡贈別

筆札無人給蹉跎賦上林別君春暮後動我歲寒心文字時
名濫交游黨籍尋不須頻拔劔昨夜酒杯深

再題任邱壁

去年丁計部丁抗義此高陽墮珥依弦月餐餽飽劔霜不降
丞相後引磬尚書郎赴闕麻鞵斷悲歌禮國殤

汶上題壁和李小有韻

抗節賢人地教吾促舊裝華夷無界限士宦有桑滄歸抱車
連牘行蹤芟製裳石城通浦水去去耦耕忙

感懷未已再疊前韻

感遇慚鱣壁歸耕守襍裝風霾方黯淡星日混溟滄社櫟拳
擎質犧牛被繡裳巢由逢禹稷相笑各為忙

訊周仲馭山中

別君抗疏日今看著麻衣蒼蔚猶朝氣松楸對落暉龍鱗霄
漢迴雞骨草萊依謫吏孤兒意山阿遜敢肥
磨鏡余來晚千車散道山寒林稀熱客
時世長歎激懦頑毋為孺子泣心棘滿人閒

答劉杜三

自遣

次原韻

共茲豪俠意獨我遜思幽爾有金門策誰言榆塞秋縱橫才
子意勤懇聖人憂待刷虛聲恥驅車謝許謳

長沙馮根公

一第

遇余白門貽詩并禹碑李北海石刻

依韻和答

爾鄉風日好憐我此登樓禹榻傳荒色邕碑紀遠猷摩挲神
鬼集句讀俗儒愁賴有搜奇客相將到上流

晤江都歐陽宰即日具舟邀游城北得齊字

妙四十三

十

繞郭生春水翠舟尋古隄綠楊寒食色蕭寺宋人題歌吹前
船發清香此座齊宰官仍永叔文酒正堪攜

何處亭名水此中樓號迷昔曾文字飲今看主賓齊古色延

荒野幽棲想別蹊湖洄情未已前樹有黃鸝

政簡民輕隸時和農早犁雅懷消簿領春日滿郊畦漠漠舍

煙樹叻叻馴水鷺此中占上理我亦樂羈栖

自入揚州路逢人問竹西畫船今載酒才子舊扶藜一榻他

時設長談此日低舟停意不盡那為看織桂

揚州上方寺

不到上方寺揚州只是喧平疇開寥闕荒殿自朝昏從古猶
習井妮人但白縈市城曾幾里此處可南村

半全身寄法大小麥搖風

六時人鳥空井云通

蜀水碣是刻坡公只此幽栖足煙花任暝鐘

將游平山堂沿郭一路觸目交心

一水風流在三山意象存昔人猶著姓名士盡為園木石漸
成古亭臺遂作村不須明月夜芳草帶朝暎

夏初過馬頭

馬頭從地號客子自天涯五月輪曉瘁三年猿鶴嗟遠烽紛
羽檄曠土絕耕畝昨過盤餐處哀鴻蔽野遮

感事贈宮詹黃公東厓

景昉

閩山君子宅誰最企余懷鎮海嗟峨石晉江窈窕厓峙同表

兩戒精並應三階近事差難說

時已遣

隸石齋

時已遣

隸石齋

時已遣

隸石齋

時已遣

橫經席正接抗疏檻將攀毛玠司銓少臬陶折獄艱昌言賴

拜手大智得迴顏如此金華敬儒臣未等閒

時公在講筵率同官面奏救大

司寇建德鄭公及銓部不法

來看京朝事應成聖德詩大詞驅李蔡霧色受程頤啟沃功

妙四十三

士

原隱平陂道所持埽門吾亦恥志合顧師資

補梁公狄夢中句

得意身能病耽奇夢未休遲余今日晤動爾昨宵酬書氣充
官料松花饜客秋銜杯

感事用韻重與密之

一座白雲流

升天舊曲好行路此時難鹿起君應得龍眠人未安將軍窮

五伎元宰鬪三端策寺才誰及飢當不及餐

弔張德璋

以微車卒都

招魂不可得章水怨聲悲如子輶車日斯入掩袂時家貧偏
作客才廣實嚴師歎息蒲輪苦秋深白露垂

七夕劉引之

先衍

孫子輶象壯

招集

帝城逢令節舊友共他鄉瓜果一時韻機絲中夜涼侯門鐘

鼎遠客舍燭鎿長恥乞人閒巧

狂

狂

乘槎津莫問擊筑酒堪呼
鍼綫從兒女文章自大夫
星稀歌未罷河沒影皆孤
游子經秋慣殊

答吳鑑在用來韻

燕市翻連臂江鄉徒望衡
學游京國好意看結交
輕同舍生齊札旗亭人解名明

送胡文瑜士瑾之烏程令

人合當浮玉官今長太湖
菰城堪望古茗水足師
吾暇整臨衙仗神明起
吏呼酒名彌一縣官庫
自為酤

史胥歸牧犢經術始為高
樸棧諸侯事催科長吏
勞拜官逢

考績賜旌旄視草承恩日方知大臣褒

除夕答次尾三首用來韻

又見冬春改漸知兒女親
兵戈間近事尊學歎生塵
此意誰相問非君無與陳
寒鑪風雪勁一夜髮華新

妙四十三

主

歲儉盤餐重交稀朋友親
問年惟指脣閱貌總生塵
舊俗誰能免臨風自覺陳
賴君今郡宿覓句一時新

悔入迂儒業徒遲老圃親
叩門驚督賦展卷笑成塵
芋栗今年貴醕漿趁俗陳
高人吳季子那耐應酬新

王正四日詣柯賢甫先生語及余除夕元日之詩

旅謁聽時輩先過者舊家
坐存金石膳屋受雪風斜
較藝卓繩削探微棄土苴
懷憂獨不禁今歲急桑麻

先生稱余近詩有云不是記故事時

名德古所貴如君今隱淪
薄田逢水旱殘帙度冬春
伯業老能學杜陵詩益貧
昨來箴恤語勞共說酸辛

傷逝四首

余友楊偉郎名之煒其尊甫齊華公日森與先君為

石交余與偉郎又同席研殆十年偉郎奇余長子鑾

遂以仲女歸之自天啟辛酉食餼于庠爾後多病又
性本緩滯益厭應酬不通客客亦無過問者家漸落
竟鬱鬱死死未三月而崇禎辛巳首春鑿與其孤扶
棺出葬是日大風雪余往執紼見親戚故人無一至
者嗟乎當齊華公登進士官桐鄉及偉郎家未落時
容如是哉翟公書門之語西華葛衣之事余為涕下
步至郭門還成三詩薄暮鑿踉蹌返則族子難益作
是日不克葬復有末章

兄弟稱三世婚姻又兩家

儉歲死堪嗟賤亦諸

生長貧因廉吏爺柳車風雪際妻子葛衣遮

高門徒有壁儒者性當迂廉餼兵興減交游病後無殮舍葬
以士倉卒反而虞薄俗何須問寒風夾轡趨

蒿里多悲曲如君特更深能文老戶牖積病飽漫苓八口凶

妙四十三

三

荒過一棺風雪侵斷斷諸輩在尸祝此山岑

痛君不克葬不為兩無端末世誰敦睦衰宗每擊搏青蠅來
弔少馬鬣作封難後死真當愧孤兒袖手看

後傷逝二首

余既聞其不克葬扶其孤為直之邑令王公家柱立

遣隸按治之自辛卯迨甲午乃克葬因成二詩俾鑾

告之主前余他日庶有面目拜君墓也

義當匍匐赴忍作路人觀知有神君在能令鼠輩寒雪中移
萋翼開後肅衣冠生死多遭難方

昔人云湯葬愴極此時情一日三斬畢千秋萬古成誰來范

式夢聊識孝標生宿草余將過悲風勿不平

答徐州曹澹如志明過訪次韻二首

何處凌風客驚看鶴立人黃河家世遠衡麓去來親襍被輕

飛籟文章解斷輪昨從湘水過應一弔靈均
坎珂何年始飄然吳楚濱九華奇可挹四壁靈堪鄰舊業倉
皆石新詩車有轡誰來客舍問僑於此中人

送澹如還彭城用前韻

去住能無恨從今梁月親對談寒食雨遽別杏花春漸見黃
樓近應憐浦水新經過勞記識幾處廢耕酌
遠行須吉日此去是歸人淮海幾千里帆檣止一身詩書華
氣色游覽壯風塵況有綈袍在還家殊未貧

寒食

爾時節物變我意倍潸然
往事醇酒缺新阡豈必能懷古今朝多斷燼
獨有柳條色猶同昨歲青貧煎顏面改時化舊家局伏雨亦
何極高天竟欲冥杏村休去問寂寞一邱亭

妙四十三

十四

鹽官贈錢虞鄰陳靈遠緯度

海上一槎至意中三子來談經象繫表作賦惻悻才激浦咨
時務秦山放古懷我情移不盡還望刺船回

舟次送別蔚園大行

誰識宗臣貴諒諷一葉將父書行笈載國事容杯商心本趙
元鎮名齊蜀獻王西江盛芳艸間樂勿多傷
劇盜宜何策王孫應更歎擁書余布素毀室爾纓冠賓客思
冲舉宗枋窳汎瀾毋為戀雲壑極諫到長安

春暮田家

晴覺攜鋤好山隅地幾弓柳垂鉤瓦綠花隱蔓坡紅憤懶秧
田外雞栖草鴨中客來先被肘不復束飛蓬

雨後

日逗深林外風輕樹未休麥須寒欲豎石乳溼初流蛙擲陂

塘亂鳥唬澗壑幽青山開霽色早已翠微浮

白下得徐巨源書

鷓鴣旅嗟吾久書開孺子題字林移燕北詩派變江西浣罷嘗
薰鳴觴餘當聽鷓所思憑積水榆色暮雲低

忠節祠拜黃侍中公夫人二女墓

豈為尋幽勝臨茲展拜虔荻蘆風自冷竹柏性猶堅過客談
興廢孤墳隔幾年汨羅止水意重數到閨賢

夏日讀書忠節祠與敏上人語雜識成詩

往事何嫌說興朝重典尋戮孳法吏意沈族闔門心投死欣
從昔易名缺至今一時王魏輩際會各饜饜

鐵家有二女死異節能同不敢從容日知饒父母風松楸來
後學蘋藻薦羣公喂豕當年客慚茲抔土中

當茲長夏日常有氣如秋古色延貞木清風激懦流泊船人

妙四十三

五

蔭樾讀碣客登邱城內昭陽殿蕭條又自愁

革除湮鬱後祠宇自何年太史傳彤管司徒買墓田

幽朔祠建德鄭公為大司農增置寺田讀書種子在釋菜歲時延承學兼同里

能無思憬然

金川門未啟此地豈荒煙石影陰雲見柳棺異代全到今寒

色照自昔斷編傳生死清谿上吾家近大賢

楊機部太史饌米分其半饌黃公祠偈

我無乞米帖公念樂飢詩快得香秬飲留當玉粒炊與僧同
井甕呼僕說耘耔蓮社窮元亮因茲有問遺

贈別機部止發

著占攜珥筆時鈔黃公易戲蘭楫拂荷裳獄自明時雪書非此日霜

三山知北首一葉戴西楊莫歎夷陵遠還君舊玉堂

贈蕭伯玉儀部

今代蕭夫子為郎卻在茲家奴依博識異域望師資金石歐
陽集谿山靈運詩六朝懷抱好事事得相宜
妮古輕人爵逃禪長道心佳菴曾屢日執戟到于今圖史沁
顏色兵戈動歎吟春浮知最勝此地亦陰森

夜誦劉安期所遺先世文集

我亦麤豪客君兼黨錮家宋時遺獻近今代直聲遐聚笏尋
常事傳書氣色華蟲吟和永夜燭影久疏斜

獨坐懷張爾公

秋氣來清肅伊人特似之鈴岡白露遠洪洞暮雲遲好辯書
傳世閑邪志共誰涉難方響切知爾有長噫

寓目

兩岸闌干靜輕航一酒鐺引喉聲過竹拋杏汁沾裳似指青
谿女言穿朱雀桁殷勤頻拭研儻欲賦襄王

妙四十三

六

即事

聞道廬州破孫恩有幾人三年掄秀孝一夜化灰燐諸士斃
名死嚴城無故淪獨餘冰鑑使魚服走旣旉

舒城一大邑幾載屹然存衷甲開同室降書到賊門濮公猶
不死孔逆尚何言猷烈崑岡後多才未足藩

忠烈祠遇次尾舟過

此地經過少藏名仗澤道一船文卷滿半日睡鄉疏茗粥憑
僧設筠箋向墓書催人鼓柁去哀響振林於

兩中金天駒過別余遂登舟遇陳士業于中河口

去豈天涯別來從省試歸良朋紛戴笠勞吏溼塵衣江水初
清淺家山應翠微平生故人意行藥不相違

舟中簡別諸子

夏間王元倬唐祖命錢幼光吳鑑在金天駒余澹心

孫振公輩數過從以文社事屬我也即病歸留鑾于南臨發賦此

客病歸宜早秋深衣畏單兼葭真照水星月孰凭闌蕭統文稱選韓非說覺難結交吾欲謝雞柵付兒看

賦得賦斂夜深歸

余為里正積歲感此語之真至故賦

水旱連年甚催科欲中程發倉誰汲黯增戶有王成肺石消朝暮苞苴費送迎輸將氓庶分應得到三更

蝗蝻蔽野日長吏督租時卒伍持符急錢家受質遲經營防木索躑躅及階墀但得歸來喜更深未厭疲

昨夜歸何晚今晨隸到門科條新有例逋負又應論邑小雞豚盡年荒豺虎繁獨行月黑地身命豈當存

夜半嫌身在含愁暫到家入門煙火冷發歎月星斜事事增官額朝期待隸卒姓名誰作俑父老至今嗟

妙四十三

王集止

馮時侍其尊甫鍾淑公

芝瑞

督學蜀中以上游

兵警暫留

莫問我眉秀先愁沔漢流諸生瞻使節新盜剝行舟遲訪揚雲宅留觀蕭統樓藍田席上坐好共論神州

得次尾書卻寄

念爾攜家好吾鄉不可言樓船幾十里瓦屋二三存古墓稀松柏新魂集弟昂高田獨無恙隔在遠山村

偶憶李獻吉有癸未中秋不月詩今夕既雨兼更月食追和悵然

玉闕何因掩光華不肯流南人偏愛月北地故驚秋伐鼓占當救翻盆雨未收蟾蜍知好在斧戶未須修

九日漫懷

不落參軍帽長衝壯士冠何人橫槊賦遲我覆杯歡把酒開

雙鯉封泥定一丸朝霜知甚烈極目憶桑乾

祭燾明朝是寒花此日非何心開口笑戴目舉皮肥我本傷

秋酷誰當解楚圍獨因程不識刁斗帶新暉是日迎霜降

目擊程公意歛歔司寇年歡難持綠酒詩不擬藍田節物因

情見風操觸景傳登高收近事天遣菊花眠昔王弇州九日不登高今程公

亦生

得橋非因賜持螯可共烹弟兄稱異姓父子頗同聲漸見江

楓赤避餐秋菊英回思虛令節戈戟送清明

贈吳發若 應夢

君擁橫山秀長歌秋浦途談經留女樂注史共生徒墨妙鸞

翔異詞華鳳采殊一門將進酒玉樹最扶蘇

渡江感事與范小范 又蟲

我自江頭客因君累扣舷酬恩幕府外余以撫軍見屬監軍堅辭之求友

妙四十三

皖公前相骨非寒士攜毫似古賢相將看烽火袖劍倚長天

帶甲到江南吾家百不堪見人襍被去念爾素書諧亂久忘

憔悴兵多敢戲談買山徒有約何處得清酣

和游字詩

余澹心陳伯倫方亦千唐祖命聞余至即同步南岡

見過不值余諸君倦而歸忽雨衣履沾溼遂就伯倫

燎衣命酒達旦宿樓上同用游字各賦二詩後數日

余始見之以其事起于余也亦和一首

客有深冬至君皆念去秋名園尋笑語新雨助風流意外成

佳事憇時得勝游角談轟飲際應共指神州

李涉

李涉詩難再青醜用亦蒼客來窺蝶夢將去度簷花敗映蟲

皆散薰鑪篆尚斜偶然虛白室一笑慰僮嗟

人日齊山

人日喜非陰春首愛屐侵山光初試暖洞乳未成深狡獪巖
生影夷猶我動吟閒看題壁句屢和總秋砧

遂上翠微亭是程公修復者

春山真淡冶峰近翠尤微幾處此亭古一朝好振衣廢興閱
世有游宴及今稀可惜已公屋淒涼沒半扉

相公墩湖心寺示僧琦二首

廿年常住處每到意能新佛與人俱靜蔚因客去塵出林傳
梵放登閣見車轡彌望平湖氣雙龕贊與昇

門前蒿正茁屋角柳將芽莫謂貧當餓知兼饌與茶南唐宰
相地西土法王家豈有窮難活香秬飯比沙

送程際甫世會于清谿時將自白圖還省汝南

可知村市靜秋浦建旌旆流碧如圖畫山青穩坐眠交游吳

妙四十三

元

下好文字汝南傳芳草深相憶征衣計日還

西郊

晴好出西門杏花空有村廢畦留菜甲古佛閱苔痕樹隱遠

山宅人傾近市尊不堪談昨歲戰馬度高原

覽時來物感妮古亦心遐寺始梁天監碑存元魯花藥苗隨

意茁麥穗待風華俯仰多興慨西春日易斜

關心最幽勝古廟祀昭明帝子文章伯巫人耕牧生書成傳

選體魚美錫佳名此地堪長憩林深著霧輕

紺園積亦古豐碣蝕猶佳僧鉢遭兵燹神龕綴壁蝸分經小

果法賽社眾人伴宴坐驚幽響唬鳥過水涯

北郭

吾家有修竹兵後已無餘田父初邀社樵人共指樗柳新眠
意乍鳩老雨聲疏歎息犁鋤舍炊煙及午虛

屢墓松楸在心沂記去年鄰家金盃出吾祖石碑全越陌懷
高士臨風激後賢陽坡一片地差見菜花鮮去先隴十數步
即漢高獲墓有
清風亭是光武所不
能臣者見後漢書

五月初三日聞變

邱鈔近始斷宮闕遂如斯涿鹿曾無戰奉天不及馳乘輿香
何處羽檄近安之神武有今日諸陵共淚垂

三月十九日事忍信為真祖烈宜過曆皇仁未發身射天翻
得志墜地更無人痛恨龍韉落紛紛撰美新

大行皇帝詔至池州

慟哭豈西臺天王率土哀陟方依廟社遺詔護輿僮金掌盤
承淚銅駝陌墨萊大紅須已下念此憤逐雷
父老入臨聲繁冤神鬼驚帝堯松棟棄織女柰花迎北地王
差並東華事未成推秦與蹈海愧死一書生

妙四十三

干

無星伴使車匝地泣衣麻羿浞尋相斃高光猶一家獨悲含
玉闕忍聽摘瓜嗟日落戈能返申胥哭未賒
忍復問山陵德音空拊膺三良誰手到一馬已雲升祚異哀
平短功宜肅代興同仇釋服後偕作願蒐乘

追恨詩

黃屋何曾樂憂勞十七春布袍常服御煖閣累咨詢貴近無
撓法狂愚得上陳聖明成覆敗誤國總諸臣
卜甌勤命相授鉞屢登壇鼎折谷人笑旗靡行敵觀中堂已
養寇閭外合尊官坐看文皇業平將與賊殘
事劇須才久明君意倍嘗天曹王恕老樞部晉谿亡有帥皆
稱債無官不載裝煌煌宮闕迴拱揖待披猖
連年失大藩此勢已燎原更進何堪問從前乃不論折衝畿
甸晚開府北平繁一戰誰城下含元任戒屯

除苛及復稅聖詔書存帝德哀民隱官邪格主恩助荒行
慘酷與盜共喧吞固志摧殘盡壺漿到賊門

司敗明刑意金吾設詞心懲貪典自重失律法應忝偶漏吞
舟網讎成蔽日陰牢牽賊至此蠹國亦何深

士夫不愛國隱忍用刑餘獨使朝紳愧難將兵氣舒貫京同
作孽瑾涉共推譽寥寥王司禮捐軀鼎泣初

恩澤有諸侯尤聞田與周皇王連肺腑富貴等山邱家毀堪
紆國心精足效籌忍教城闕破金穴獨安留

魏崔幾改玉闕獻竟迷天神武原無異陰陽或有愆碧翁未
可問鬼朴每來牽自古多興廢吾皇特不平

負國人人是延災事事訛錢神近刀劍上偶出搓接召募普
天賊沈淪雜闕駝罪名重指數將相上刑多

九日菽港

妙四十三

五

舊時分閫地一聚萬家藏古戍人憔悴新愁兵慘傷風高雁
影急酒淡客衣涼問菊無從得殘旗卷夕陽

茅山道中看紅葉

秋氣雖深霜寒未重殷紅既有淺綠亦無雜複層稠
嬌姿獨著平生看秋山惟此妮人為甚遂與張菊人

芳為豔體

莫問桃花津秋山樹勝春交植烏柏老遮叢赤楓新日暖
脂潤霜輕翡翠馴前峰多道氣嬌笑此芳茵

仙窟有神皋丹砂滿樹高陸離迷近遠層複有周遭紺碧參
差出深殷虧蔽勞纖纖別見豔紅綫聖長繚

何事妮人嬌橫陳著色邀妙孃纏絳臂弄玉障丹綃深淺皆
宜稱疏斜一動搖停車欲就問面赤更生潮

望望住行車迢迢錦憶遮太真醒酒頰阿母繫囊紗身滿相

思子

小紅豆名
相思子

娉兼萼綠華半全癡絕處不必盡朱霞

山趾懷望

訪道乘秋色尋山觸晚紅
天空思煉石林密快征鴻
凹凸峰容變陰晴肺氣通
三君定何許徙倚一修桐

上山歷華陽洞曲水池喜客泉

身在秋光裏堂開石砌隈
香聞人擊竹聲靜水沈苔
丹藥層層息輕雲冉冉來
微生須伐髓憑此蛻凡胎
落葉徑堪尋山空水氣侵
黃庭白日澹蒼朮赤崖深
服食魚千歲琳琅龍一吟
行行生悟賞披壑思難禁

廿四日是先帝萬壽節

年年歡此日拜舞祝無疆
令節移天地非常起雪霜
雞人何處唱鶴馭竟誰翔
徒有山陵使問渺茫

妙四十三

三

嶧桐詩集卷第六

嶧桐詩集卷第七

二妙集四十四

貴池劉城伯宗著

五言律

園居

頗悔逃名晚蒼黃置此身十年梅已老千日酒真醇沼靜容
漁隱離疏過竹筠無懷差自頌腹豈有輪囷

深山何處是牛僧姓猶傳枯柳當生肘虧琴未有絃江東土
窟室郭北漢陰田安得長留此吾今學苟全

才自慚馮鄧縣知抱甕宜陰晴占鳥語草樹看春移把卷人
思睡支牀龜耐飢閉門多勑斷新事聽從誰

遇道開上人于白門感時賦贈

兵氣江南始吾生孰可憑艾羅古有曲丁昨世多能入耳惟
蠻觸關心誰土崩祖劉不可得祇望佛圖澄

妙四十四

釋

乙酉首夏與戴敬夫決筴去金陵

羣鵲尚怡堂吾徒攜手行狡童稱有命皇父用無良畫角吹
江水輕裝犯曉霜景陽鐘井處不忍重徬徨

豈敢忽無憂驢鞍好說愁隋隄牧馬滿晉室罪人咻與爾雙
留劍他年共濟舟癡兒不了事歎息此神州

居敬夫石曰湖寓舍贈其長公本孝用多字

長公字務湊好古博

識世授戴經精篆刻書法詩律畫苑古
著帝集杜百章成帙諸多得之庭授云

疏豁此堂古檜榆入望多連牀堆籬頰拂几見義媯學禮戴
稱聖繫衙村號河印記自署而翁時著膝雞鷺定如何

眾妙何門出藝因不試多圖裁輞川豹紙博右軍鵝苦縣光
和刻杜陵同谷歌異聞誠壘壘庭下幾趨過

旅泊丹陽湖憶吳空之劉沖

相招曾幾歲叔子在華西茶茁留仙掌林開念佛嘯皆九雙

峰餘白石一綫繫丹梯落拓尋歸路湖頭訊鼓擊

冲是吾家號山間蜀帝噓中原疑胡北片地自京西堂寢祠

新主吳子洞費劉及其先奉常之主于中倉箱付小妻此閒能對字勿復問擘

萃

湖州忽逢孫新齋廷評鼎攜家茗水在此吳日即下榻孫舍念去年

冬月遇大宜于句曲亦彼此欣愕今事又不可言矣

句曲寒霜月茗谿盛夏風遭逢兩意外飄泊一時中國事痛

何極吾曹心自同脫衫纔發語穆駿問西東

衛八怡然敬少陵真若歸呼牀自踞坐倒屣共披衣江上胡

雛滿林閒宿鳥飛旅人吾黨在不歎一身微

懷吳山賓

往歲共圍城銜杯日數行書囊兼漢隸畫絹費陶泓兵後多

文字人前說姓名得歸尋寄隱何處種黃精大兒贈

妙旦一四

二

答吳山賓見懷賦得欲問平安無使來次原韻

無雁過汀洲書裁何處郵兵多空野店客斷靜村流疆飯那

從勸負茲亦可愁華顛不易得新政欲髡頭

答吳山賓喜余書至賦得消息真傳解我憂次原韻

自因兵事劇豈有故人疏巖壑居方闕平安信出徐留身看

刈稻引睡每攤書他日圍知己此生真覺餘

答山賓二首

山賓至峽用杜韻見贈謂余以弱女幼子慰情遣意

几上惟離騷經及淵明臯父所南諸集云知余意之

所在答次二詩其聲甚緩志孔悲矣

對時當匿影豈自醜無鹽骨肉倉皇聚飢寒轉徙添質春聊

寄廡讀易不開簾俯仰南陽事長歌與涕兼

肺病餐宜淡村饑估少鹽落英攬易飽瓶粟竭難添石礪書

沈井瓊花曲窳簾君看富春釣馮鄧豈須兼鄭心史以瓊字命篇百十首謝

後瓊花引哀李姜揚州死事
也有宮花窳簾塵掩讖之句

子鑾以次尾次子長魯至

玉成我子是傭小且相為敢執古人義無慚地下知報韓他

日事存趙此時思君友無窮恨艱危繫一絲

歲暮答空之次來韻

髮留堪對鏡絮敗不知寒米乞謝仁祖人羞杜小冠攜家居

客舍憶友廢吟壇喜接華西信清芳欲勝蘭

好友死復死朔風寒更寒林高蟬有蛻兵威鶻成冠見志存

詩卷澆愁近酒壇恭聞甌閩詔荃草正思蘭

即事用齋字

庶下流離後廚煙日漸低無錢難斫鱸有味是鹽齋益粟頻

從借村醅更勿題咨嗟僕妾輩慰藉辛山妻

三

經年武負貫券帖與山齊欲償襟難捉長連面合低挽須喝

穉子數米屬山妻屈指為生計家風只斷齋

送山賓歸高田屬以次尾後事

爾歸告嫂氏茹苦且吞聲溝壑先生志棺衾後死情程嬰終

立武李燮暫更名急難今朝是原鴿一羽橫

二日雨雪

我心宜著雪此日不須晴歲月深山古風雲異域生碧翁真

潦倒紅友莫縱橫試取離騷讀空階助怨聲

晴步

亦自明人眼村光始見春好懷浮野動佳氣著山新冰解渠

聲急泥乾屨步勻相逢多被肘傾釀入吾脣

放箸宜行飯況為晴色邀雞豚欣旭氣麥菜長春苗古屋生

人敬山田待水遙相期風日好此路到僧寮是日始至柯氏西山駐

泥飲

頗因晴色出翻為酒杯留比戶新篔滿連朝折簡稠情親烟
姬誼風朴燧巢游不醉真成錯春風著面柔

策杖無虛日招尋是處來槎頭迎遠市山中惟魚難得竹葉倒新開

儻蜡嬉連夕賓朋主迭陪指男兼叫婦吾忍卻盆罍

日望山賓至以近事相語十一日

魏澤不可作朱家事苦辛我漸吞炭友爾念覆巢人坎險當
前路需遲何日身雪霜看又至握手一沾巾魏公天台典史能存方正學後者

門人輩傳次尾題壁遺詩余以命其子長魯誦輒上口

了了明日問之諷對無一遺誤因有此作

靈運韓亡向荆卿易水歌吾徒能受記驥子遂高哦奏簡袖

中出奉書手澤多盈虛他日理為爾思如何

妙四十四

答劉引之來問近事次韻

南宋無高孝江東更愍懷所思惟越海勿復問長淮信國時

真左街亭事又乖君聞應痛哭抵几臥高齋

莫放漁人入谿山遠作籬鄧馮誰命世黃綺是吾師華髮短

猶在荒村春欲遲寒梅開有日折寄向南枝

松寮山寺

一路得佳石登躋未覺疲山坳始有寺松盡更無枝鉢飯能

分客珠瓔苦臥鳴塵襟聊自滌躋步亦奚為

上天堂菴

屢輟欣然興茲行未預謀谿流循曲岸山脚插平疇蔭暘來

新竹披榛問舊游鐘聲不到耳何處翠微浮

天堂菴

三十六山中慈雲起太空林高成國土食淡見宗風梵唄苗

禽裏僧彌禽嶺同真如且勿問栖息亦幽蹤
信宿小山堂陰晴難計量千峰明永夜萬木響微涼客枕來
朝課樵薪帶晚香相攜跌古洞欲我說良常

放眼立危岡空高接渺茫大通銅陵地名江影白峽裏樹煙黃坐
覺羣山赴低窺去路藏兒童饒勝具逐景亦先忙

寄吳子相遇

寂莫橫山道驚心兵幾過牽妻僭亂帙躡屨去巖阿三戶人
誰在一成事屢訛山田如可種相屬老煙蘿

杉山喜逢諸子

舊識與新知無端此聚奇幾年問字客一月住山師邵生先
月天下華夷異吾曹泉石宜空王微笑處長語未除癡

鎮國寺覽眺得次尾壁閒詩

猶存古意相不必近莊嚴樹老西峰塔泉寒卓錫巖豐碑銘

妙四十四

五

可譚敗壁句當函我友宜長在悲風到晚簷

水竹溪

選勝宜如此山腰得沃膏遠嵐皆平楚一秋毫竹好名

谿舊松奇累土高廓然彌望處李白首重搔

參差松下石縹緲屋中雲地滿愛華色天開偃蓋文隨方堪

寓囑坐久欲平分采隱誰先此茲山首冊勛

伴雲菴高處

更上得如許奇觀翻不遙坐呼雲作伴看到海生潮起伏千
山至周回萬丈邀削然如掌頂豆粟滿抽苗

送子鑾之金陵

此行非爾願事勢使之然完卵從人賜受雞宜自前鍾山應
抱土大內看穿堞交游尚慎旃

得子鑾金陵書稍聞近事見其沿途新詩

有客來何所威儀自漢宮黃河指若帶玄髮尚勝冠弓劔靈
猶赫窮澆邑本寒皇天真助我早與逐胡頰

舊感紛來會新詩漫獨哦蟻磯空壘堞魚服竟羅鍬峩嶺
根賸棕纓榜首多長江原浩汗從不渡沙陀

寄子鑿金陵時寓大報恩寺

爾所居蘭若應懷舊事新報恩成祖命正學建文人完塔留
宸製長干踞古塵廢興無不有羣相自冬春

即古長干里也正
學墓近寺左里許

尚聽鴉唬樹知傷鼠滿宮青衫當此日黃面正同風江總幾

朝貴生公一雨空行吟染翰際應望氣蔥蔥

明覺菴二首

土名缺
巴山

欲到樾松合纔看石竹勻瓜棚成屋壁犁犢上嶙峋并汲時
逢虎薪樵不問鄰緇徒三五輩猶未染胡塵

妙四十四

六

引我登高矚真教遠望開疏林指棗栗舊姓說汪梅應有雲
成海徒聞兵過友忽忽誰氏子云避賊初回

哭史公六首用晞髮集韻

城于公有知己之感始揚州破即聞死義城下後公
之幕寮傳言脫去欲有所為也已而寂然知公死矣

感謝翱西臺之痛用其韻作六詩

西臺哭所思韻

大臣誰死國賤子哭燕臺力竭告無罪魂招誓不回到今真
取義自古所難才南渡從前有惟公獨可哀

哭所知韻

建牙池皖日雞犬靜山村步伐嚴軍壘玄纁到華門身甘草
具食殤禮鬼雄魂許劍曾知已長號愧獨存

余不
果赴

公曾薦余應詔
又遣幣招入幕

哭廣信謝公韻

南北江淮際功名在水濱飲冰生已慣草死常鄰相檜來
為阨文山見後身祖宗養士報不負有斯人

哭正節徐先生韻

支天躡太蹇夾日入重陰不敢效友逸猶云誤國深惟餘將
母在豈惜舉宗沈正氣歌成後江流自古今

哭肯齋李先生韻

一身係天下率土望無涯共說潤州去將歸有鬲家魂依盤
古冢血照玉鉤斜張陸云亡矣厓山空自遐

重用西臺哭所思韻

臨風常一痛何處是西臺邗水流空漲燕山峰不迴冰稜猶
記貌天蹶竟違才帝所魂應到煩冤萬古哀

哭黃先生六首用晞髮集韻

妙四十四

七

三月五日之事余有哀歌矣以用謝韻哭史公遂廣
之先生廷杖之歲余親饋纍于獄其戍楚過白門也
余問道于靜海寺海涵地負之蓄既累扣而必鳴寒
冰冷鐵之神亦時觀而若語故此語備見之

哭廣信謝公韻

在昔廬陵者先生閩海濱支天力並詘畢志道為鄰事急馳
驅密時閒廢斥身其愚不可及自古有斯人

哭肯齋李先生韻

受杖端門際荷戈楚水涯墨纒人有泚鉤黨士無家止寺身
財脫西春勢已斜捐軀猶殉義事事使人遐復社事起及武
陵奪情皆抗疏

爭遂奪官外謫已至廷杖繫詔獄及
遭成永州逾年環召而國不可為矣

哭正節徐先生韻

傳聞紹珥容肘腋伏重陰相國執爰出將軍坐閭深隨珠輕

鵲抵碣石遠淵沈廿一史中事傷心不獨今先生以首輔在行間雖自表出

西臺哭所思韻

裹屍傳埃子漆篋出燕臺天上星歸舍江頭浪欲迴死來成一
笑事去不關才滿目梁江總無人國可哀死後以蒲包裹屍傳視江上就

哭所知韻

欲貌先生骨寒流古樹村生來顏魯郡賸有李龍門儒者臨
戎事明人作毅魂洗心無不洗正氣獨常存將之永戎有洗心詩二十五首

再用哭廣信謝公韻

請室親經席禪房問水濱曾蒙大義授敢與太初鄰事有難
為日古無不死身祥興何所記惟此二三人

哭戴敬夫六首用晞髮集韻

妙四十四

敬夫名重和州人有古學敦行誼不苟同俗余與交
十餘年道義相勵如一日甲申以次貢于廷試第一
時議授京官敬夫落落失要人歡弗與也乙酉四月
掣余同避兵轉徙至湖州余歸而敬夫有所事遂中
箭洞腹乃薙髮為僧卒以創死余以哭史公黃公例
哭之即敬夫可知矣

哭正節徐先生韻

猶記分攜處停帆桑下陰聞余婦子在感爾嘯歌深去住煩
長策興亡痛陸沈當時杜許意珍重到于今與敬夫同去許翁相去三十許

哭所知韻

自我歸山峽思君客後村有朋割寓舍令子當應門日慘迷
江路林青黑夢魂丁寤重握手半壁冀猶存敬夫寓地名後村自應陽依之

而徙者數家其長公本孝實孝
甚事敬夫起居躬僕彼之勞焉

哭廣信謝公韻

苦憶栖遲者山根逐水濱魯朱家作客程不識為鄰戈竭回
陽力矢加蹈海身青城徐道士忍痛為何人敬夫與中丞程公皆主後村潘

氏程公寄語余云敬夫中箭潘亦被家故及之

哭肯齋李先生韻

創深冤刻骨鬢禿恨無涯不死難酬國空門豈問家鳴鐘撞
楚怨翻偈送暉斜靈隱吟詩好賓王跡未遐難髮令下敬夫

遂僧于吳興已乃歸里

西臺哭所思韻

乘舟方訪戴入里哭空臺精衛魂難斷沉湘身不迴留書心
有友遺恨世無才客子長號處驢鳴一座哀兄子鑾約張文

夫劍及至則捐館矣遺書訣余父子辱許以高誦語書辭古勁墨蹟精華遂為絕筆時鑾伏哭殆不能起

九

重用哭正節徐先生韻

青山來此赴白日欲成陰已痛故人絕更傷節士心衣冠猶
就殮宗祏不俱沈洞腹逃禪事千秋名自今敬夫治命曰吾

亂則以初服殮長公遵行之先吳中箭洞腹竟死此劍云

峽川谿閣景樓韻

屋裏青山滿開門當遠游風來杵日籟日俯稻梁謀樹老形
成怪人悲物自秋望逾墟落外曠士亦多憂

感事二首用所南郊行即事韻

漂搖已毀室繞市又誰巢馮鄧無勛府宣光未卜郊競傳同
破竹昨恨失前茅指石齋正希也一寸中華地君王且勿拋

天心如有在江漢出潛沲新室徒威斗夏兌誰處戈中原方

烈馘海嶠亦積波大雅浮浮向勞余夢作歌時惟楚撫何公騰蛟張甚

鮑甥可大來山中

昨歲蒼黃後過余已再三服膺母氏訓繭足渭陽談屢徒惟
茅屋閒情及佛龕紛紛薄俗日有爾古懷耽

落葉霜高路嘯烏日暮村亂離天性見患難道心存念我平
安訊閱時氣誼敦樓山一片石賴爾護雲根大尾死後鮑芻
實有經紀之勞

西山尋宋蹟是淳祐五年柯某開屋路刻石
供膳某亦列名詳見余游記

四百年前蹟兩三人自來華夷閱世界風雨淨莓苔路絕摩

厓客天高累劫灰取山雖未響懷古獨堪哀

淳祐嗟何日山中可策助鑿空通左僮指廩助蒸饋亦自留
名姓真堪廣見聞那須翠嶧上斯相有高文

哭麻孟璿用原韻

同昏將八表隻手賴君留二客皆延頸千金早購頭此生沈
痛了何日烈風休贊出衣衿際鍾山樹樹秋

臭味余今愧儀刑君自留好詩皆憑膽抗節恥髡頭火德炎

妙四十四

十

疑燼冰心潑未休書生轟烈外舉世黯如秋

騎箕還爾去賸蛻聽誰留寒士羞障面將軍只斷頭願隨清
衛盡拜向杜鵑休我作招魂曲悲哉氣果秋

時移道自在事去志能留繫鼎聊伸臂臨風一擲頭空坑失

鳳叔獨柳待源休往復平陂理春回不久秋

村步雜感用所南郊行
中事韻二首

世絕麟游數余同鳩寄巢畏入藏短髮問信斷荒郊度日薪
如桂全身藉用茅歸來就燈火詩卷未容拋

屐重泥沾齒風高雨欲沓刑天方舞戚蝸角尚稱戈羣計田
分耦誰言海不波榮期雖有樂帶索未成歌

晚步谿閣用所南僧
房夜坐韻

煙際莽回互參差見幾家古楓齊自列寒水曲成涯佛冷鳩
曉髻坡陽藤著花憑高來曉霽何草不成芽

重尋西山宋蹟

厯險疑非舊重來意欲迷春深苔色潤雨過字痕黯山鳥衝人起樵夫度峽低摩挲懷未了遂見夕陽西

撫時聊望古宋代足重尋語樸名麤記崖高字不沈一村猶舊姓今日發長吟前此柯氏無稱宋蹟者聞有桃花鴨還須度遠岑度嶺

有桃鴨昔人避兵之處以度處險絕俟之異日

茶排沖

愛此一徑入投身兩壁閒清泉漱石出白日照谿閒行盡無人路惟餘太古山相攜采藥去何事更言還

寒流真化我舉體得沖融靜極人閒世喧除雀噪風羊眠徒有石茶好亦無叢小築空諸累心期誰與同

寄子鑿于郡

豈有低頭就匱來學扣門交游仁祖少宰牧甯成尊過市難

妙四十四

攜筑催租欲斷魂詩懷對苦雨知憶舊山村

貧味

市交君自熟貧味我能諳蒼狗初衣白青天或耐藍槐安官是夢蠻氏角徒酣谷口幽栖者清風正吐含

雨後送山賓返高田

讀書去住好躡屨往來輕山色初看霽谿聲未肯平高堂齧指待新婦下階迎更有低徊處荒邱宿草生

山中

晏起妻霑病朝曉兒放憨插秧歌可聽糴米價難堪問字門稀酒池巾髮勝簪山中苦樂事各半不須慙

無地容為圃有家略似菴乍貧奴僕怠漸老旨甘貪汎愛諸君厚依人歷歲淹大兒勤諷詠每有起子談

田父語

伯聽山禽叫勞勞割麥聲雪多苗已怯雨久穗皆傾餅餌富
休望青黃接不成固應米價長那得穩殘生俗以五六月間
為青黃不交接

多食麥以待秋成東坡有
詩君欲富辦銅指麥也

和子鑾湖上詩紀間也

驄馬從天下樓船傍郭浮青衣蒙顧曲白紵賞搔頭樂合軍
威解宵分酒力稠接籬敲倒後扶持有虞侯

大無詩和子鑾作

鑾所云無余皆同之近賃得一空屋客至可坐矣故

惟此篇弗和

無花

昔看芳菲眼今來掃蕩痕
蝶蜂饒有翅梧藥著無根
四壁莓苔室三春風雨村
不知窮杜甫惱徹發狂論

無酒

妙四十四

十一

徙家失釀具儉歲急稅田謀婦安能得
賒鄰屢未便鋪糟曾
有諷飲溼偶隨緣一醉殊難致
中山路幾千

無錢

銅官新脣紀蚊母舊方疏
世盡兄相事余當奴不如交賒畫
地少貧瘦作人虛白水黃牛語猶懷古識書古樂府無錢但
共飲畫地作交

賒又曰快馬常苦瘦勒兒常苦
貧黃禾起羸馬有錢方作人

無米

羣婢時窺盜老妻顏色同
莫言春得細祇見釜縣空
盡折花鈿買猶遭糠覈充
神仙今願學辟穀保微躬

無蔬

無園許我灌不是仰園官
春韭秋菘事駝峰鳳卵看
提筐掘野本減米乞鄰殘
笑有天廚饌伊蒲更水餐

無寒具

庖廚寂寞後飢飽分皆過小食不時至觀頤頗失和解鑷徒
想外粒粒孰情多家少金纏臂無緣腹負他

無茶

往年經若戰此日空茶寮渴疾侵脾久清風去腋遙山僧製
頗略賈客價多邀無賴尋生計薑鹽汁自澆

無衣

六月披裘客三冬衣葛身昔賢傳篤行今我見長貧寒不受
人贈浴當何所振欣欣從露肘小畏時人

無燭

莫歌華燭引烏相實蕭條堂上客同散風前影孰搖夜游成
寂寞限韻總寬饒掩卷多惆悵殘書待詰朝

無俠客

少年曾結客雜杏狂輕肥緩急時時有恩讐事事非夷門勿

妙四十四

三

頸少軼里借軀希寶劍詩徒作中宵擁傲衣

無日

恆雨占真惡舉頭失至尊魯戈三不返羿射一無存甚苦傾
心向徒思曝背暄虞淵誰夾取霽色滿中原

無月

春月原堪說淫霖祇惡氛關山愁不見砧杵溼難聞白髮紛
誰照青鎗勢莫分海潮夜夜長念爾苦離羣

無春風

舊愛春風好嬰兒少女看傾盆既屢月噫氣只深寒明庶時
無候飛廉令頗奸多情子夜曲欲罵不成歡風從震來名嬰兒與少女的對

子夜歌云春風復多情吹我羅裳開又曰羅裳易飄颻小開罵春風

和子鑿大有詩

余與鑿所無者人不必無所有者人不必有故或即

知余無之苦不知余有之苦也峽中蛙聲頗少鼓吹
稀聞野興欣然方以為適兩者不吾患故亦勿之及
爾

有酒債

銜杯非大戶設客也微醺酒子杓爭滴當爐錢辨文牆頭過
累累籍記數紛紛莫謂尋常有如山帖未焚時止絕舊錢用
新鑄新又多私
屬買物苦被簡斤
故有第四句云

有詩題

三年村與郭萬感見兼聞即事思歸引興懷弔古文愁人句
易好怨曲解難分自昔稱詩史吾今亦欲云

有荒田

薄產承先世拋荒自近年青苗喂戰馬黃草集飢鳶阡陌埋
無跡孳健力苦牽農夫先悵望何處有茅椽

妙四十四

古

有廢址

郭外千竿竹兵來兩度灰高曾詩酒所騎步爨薪材三角亭
留礎雙朋槐有臺菟裘幾世處寂寞菜花開

有通

不解問生事因茲逋負增打門租吏伎收子債家能汲黯賤
難望馮驩焚未曾幾時破產了清睡夢騰騰

有齊東野人之語

妄言不妄聽野老肯相喧曾否鷹揚出依稀龍種存四年鐫
斷碣兩日亂朝瞰謠語兼圖讖都云劉伯溫

有答書

汎愛來芳削頻頻作報勞加餐徒素鯉亡恙孰緝袍側理價
方貴偷糜篋已耗寒温吾欲斷石戶免相撓

有懶童

我有黑崑崙耽閒不耐繁希夷傳穩睡便了避提尊炊熟聊
持匕朋來失應門主人嵇懶甚與爾足朝昏余有童實黑而懶當其睡酣可終日不食然自鼻舄之外投赤攤牌飛為問酒之事無有也余與鑿各為其重存實錄耳

有老嫗

吾家數世婢齒落髮皆瞞一失絕城會連年守舍過盤餐缺
歲儉行步怯山坡內外諸孫在誰為念阿婆

有客

避人圖小隱剝啄尚相尋賃廡難投篋窺簾匪抱琴點茶搜
果餌廢卷失哦吟幽事頻遭恩投林須更深

有僧

豈不愛禪悅曾無名宿參乞書千貴紫題疏說精藍輟食猶
分米解衣助入龕支公識劉尹應為此曹慙

有夢夢無所苦苦徒有夢而已特識之

妙四十四

五

白晝事不見清宵夢願賒樓船迴紫蓋車騎淨黃沙食日復
出日內蛇騰外蛇鏡歌曲半奏殘月隨窗紗

寄懷歷陽張文伯弘開

我愛張公子承家古誼兼文昌韓好友安國檜深嫌萬里船
時泊雙祠祀獨巖修能真負荷一笑鄙夫纖文伯出文昌于湖裔父鴻臚公

以乙亥城守遇賊害族中祀之

為有鴻臚事尤傷羔泣心粉榆當守土骨肉聚長鐔閱嘿思
君父浮沈度古今華嚴酬奠後往往發悲吟母及兩弟皆遇難華嚴即祀所也

我子登堂日君家設榻時秋風吹暗雨落葉伴寒鴉禪客金
創死新郎玉韞馳烏江多恨事寂寞一舟儀去秋于鑿信宿文伯舍即甲戴

敬夫

超谷

寄全椒金天駟光房

每念南譙客離羣意惘然舊編復社黨今種鄧湖田講席猶
矜慎書滕息播遷一庭燈火際何史最流連
昨歲蒹葭老來君雁字書平安兩地在歎憤一身餘玉樹臨
風露銅駝散酒釀故人勤致訊惟擬不才擣

大水

萬曆戊申事年多已沒痕愁霖苦屢月害稼遂瀾村四望惟
隄樹一帆到郭門長官徵斂急爭渡故相喧
連年遭旱魃今復見天吳暫可寬牲璧同歸沒黍稌魚蝦未
遂賤鹽米已云無戊卒操舟渡邀錢比負囑

山賓以長魯返高田

攜爾新秋去牽衣絮語時戒無忘死父曲有唁孤兒畏路艱
難甚衰門敬慎宜此行真足杖慈母與嚴師

得陳伯璣書有感

妙四十四

野寺來芳削重言歡舊都詩雖金管積史且鐵函無我友防
傳鯉狂生正怨烏酌流還自漱爲叟不嫌迂

酬九華諸宗人

帶雨出柴荆村村問耆耕長鑱虛有待大斗不能傾竹鳴龍
成節桃谿鶯盡盟隔山看九子偏切故人情

陳伯璣初度次韻

高人歡命酒羈客並題詩祇合吾徒聚何須舉世知北風吹
鬢日寒木傲霜時服食從年少支鐻煮肉芝

澄慮先幾學長才疊韻詩風塵供寓目水乳自相知何處武
陵路徒思正始時相羊三雅侶羞爾玉爲芝

游大樓山雜詩

尋幽宜開道豁願足高峰望有飛樓意行無游客蹤清泉荒
日照古洞密雲封好事來余輩空山亦動容

滾滾雙峰上迢迢一水多昔賢語不妄相對果如何郡閣來
青氣兵容到碧阿昨年崩石事吾欲問嗟哉

凭高真愜意寓矚亦生愁寺遂無精舍山猶名大樓舊渠寒
水在佳樹石楠留天祐興衰後輒輪閱幾秋

僧伽真草略春日欲蹉跎嶺上嚴被長雲中雞犬多烹茶疑
桂爨買酒到桃波何處烏巾子窺人不敢過

乘興看山客青鞵到處雲秭黠充臥具風雨送宵分難得人
爭席毋憂酒不醺田更真愛我揮手謝繡羣

意外招邀好盤中雞黍難文人能愛客諸子粹成歡住傍山
三世家園竹萬竿吾園荒落後看此獨平安

談虎

市上已言爾山中定有君變藩技故在探穴事無聞但肯賢
豪避靈論齒角羣昨宵關豕失變色始紛紛

妙四十四

七

愛攫負塗豕知君定姓封戴冠虞吏猛傅翼眾俚從亂後難
為飽泥中無數蹤係蹠頗可得勸去遠山峰

憶齊山詩十二首

山在郡南郭余以絕跡州府故別去數年子鑾有憶
齊山六詩自蒼玉峽迄史巖是也又作重憶齊山大

詩無主名余補作六詩自翠微亭迄石林菴是也亦
十二首皆用其韻次之

蒼玉峽

登躋從此路門設未嘗關象鼻石搏手馬蹏詩慘顏老根穿
磴級大跡長苔斑應接知無暇蒼然一峽間

上清巖

猶記鐫題處登高見大夫崖巖經度足雲起寸為膚清氣圍
孤榭幽觀限遠湖此閒疑上界擲寫可成臆

繡春書院故址

茲山春色好一徑又斜穿
絳誦諸公盛中和太守賢
遺文傳錯繡廢礎立寒煙
片毀誰階厲江陵柄政年

九鼎洞

大藥何年就應從此洞
分羣仙都拔宅九鼎略
留紋彷彿餘鐘爐低微
納谷雲游人指點處猿
嘯亦時聞

陽春嶺

幽奇山以北度嶺客方知
葉滿麕蹤亂坡長石齒
差豁流看不遠夕照落
偏遲一枝風篁裏扶吾
任所之

史巖

前哲栖遲處巖幽石骨清
撥雲尋路入放膽擬妖
迎深黑羣靈秘懸垂亂
乳生外人不足道心與
史公盟

翠微亭

妙四十四

名賢來作牧山水定相關
杜氏詩開口程公酒散
顏古今留壁翠興廢看
碑斑丈石如林立華峰
在此閒

妙空巖

陡絕曾驚入空空待鄙夫
補陀微具體鐘乳滿疑
膚窪處真成谷潮生似
應湖塔然觀妙處我欲
化為鳧

涵秋亭

此亭亦已古秋色繞簷穿
入眼曾飛雁攜壺想昔
賢遠江遙落景殘盞滿
浮煙楹砌積霾際永和
誰紀年

華蓋洞

林屋知何似巨靈小擘分
寶車疑入畫華蓋儼成
紋琢石爲連舍蒸虛出
斷雲往年徒倚後笙鶴
久無聞

左史洞

史公又有洞別舍也難知
生客向誰問老僧引尚
差沈沈大

屋好戀戀出門遲萬一逢毛女趣風得就之

石林菴

我友誅茅始疏椽亦自清僧炊松子煮客至竹狸迎左右巖泉近高低豆麥生他年期小築山鬼聽吾盟

讀劉須溪評閱杜詩莊列諸書

趙宋之遺老廬陵又逸民冠裳誰問世卷帙自藏身與古為朝夕論心到鬼神笑人玄尚白媿媿說新秦安史干宸極彭殤共太荒昔人多怨憤讀者亦悲涼子細分毫髮音文墮渺茫無聊皆寓意墨汁到今香

偶賦次指南錄韻

我豈悠悠者雕蟲苦費吟露衣徒有淚結客已無金雙鬢晨昏改幾年天日陰藤蕪看又爛祇得一山深

不睡次指南錄韻

妙四十四

九

何嘗設警枕無寐聽晨鐘永夜如奔馬古人有睡龍攬衣起坐月聞嘯在前峰已懶劉琨舞積然據短松

讀史次指南錄韻

古帝難留世皇天怒視人周秦成旦夕日月自由旬葛亮生先殞蚩尤死豈神陳編徒謾我幽谷又徂春

南社

稍覺風煙靜猶看童穉嬉度阡越陌地呼犬柵雞時官道縣東斥兵憐憶左師踉蹌吾到此何異小仇池旋縛柴為戶忻觀麥在疇虎蹤云厯厯鹿響自呦呦磴石容渠過蒼茅帶樹樛尋家疑覽勝愛此小山幽

南社僧菴逢吳生

意外相逢處憐余日善通別來詩欲進兵後膽難麤瓢笠留茲地悲歡幸有軀談經思勝所水閣滿芙蓉

喜吳孟醇希孟過來南社村菴明日見貽衡山宇卷侑
以果餌

不因勤避地那得到南村命駕無千里相思空一言懷高珍
舊蹟別久發新論此處猶芝蕨知容黃綺存
斯士不浪出懷人可若何罷官分社昨教子習田禾寶墨留
筋骨推餐製鐸鑼望衡如許我幾向漢陰過

子鑿攜家督耕金阮其兄鑾有詩送之余和以示

爾所扶犁處高曾墓下田牛羊勿上冢鹵莽豈逢年土辨肥
磽界苗疏風露前先民分立穀此學正應傳

謀生吾悔拙充口爾當圖納甲知穰毀備丁辨黍稌賽先牲
欲壯勤盭力能麤祝得篝車滿身輕積歲逋

不忘儒生業躬耕也有之書于牛角挂經亦隴頭隨汎勝言
皆妙神農意可師陰晴種稷理處處足人思

妙四十四

五

古人當亂日惟有入山耕畧漸多兒女供難少稅稅爭時看
種茂餘力治蔬羹酒熟雞肥後余來醉報成

以詩代書寄山賓兼問高田近事

銅馬滿村鄰昏朝走避頻此身同長物羣盜號王人江上雲
霓遯山中魚鳥屯高田應一概多少起新燁

病妻兼弱子山麓或谿濱看我流離客憂君躄伏身破巢應
更破新室尚如新何日安耕鑿羲皇以上人

戴敬夫次子移孝亦僧矣來過留數月送之去兼致長

公本考

三年前弱子歷險遂辭家衣衾從庭授腥葷動俗譁寫蘭根
去土擊竹碎如麻寂寂先賢意軍持弄水花

衲補從僧牒著占祇易爻燕山音欲問漳浦句全鈔試力謀
椎鐵藏軀挂渡匏功能圓滿日始結一峰茅

而翁真勇決我愧到於今髮寡髡原易膚清鏃不禁乾坤又
幾載詩畫有何心祝爾惟恭慎繼衣塵也侵

我亦客中客相將啜苦羹通家寬禮數父執忝生平西土何
曾佛東軒尚有兄迢迢一衛在歸去且徐行

居氏

鮑甥可大同住萬羅山中始終游事者五日乃各別去

近郭久無跡茲山可一尋禪玄皆說法爾我共投林身在危
時保心于永夜深石門松下露偏喜客衫侵

蟪蛄聲已遠蘭蕙又紛來桑下過三宿髡餘只兩鬢住山容
放口入世患多材林密寒流裏仍期幾萬回

和子鑾枕上聞聲詩

鑾居郡舍聞曉雞以下五十二種聲作詩見志余和
焉且敘其意曰昔觀音受記從聞思修入蓋以初機

妙四十四

主

方便音最虛通響自彼來悟由我出非聞彼也自聞
而已故鑾聞諸聲感焉有作夫詩亦聲也言固心聲

聲文入律然則余聞鑾詩與鑾聞五十二種聲等矣
余山居寡事無歐公三上之忙而擁鑪凭几觸悟濡

毫實未如鑾之偃臥謝客故詩中無枕上意

曉雞

高樹何須爾宸窗得幾間有髻占曉色無賴急宵分風雨音
常在衣裳倒執勤此聲殊不惡襪被去從軍

零雁

果爾關兵氣奇零斷續聲雖猶人作字幾似旅孤征奴散乘
風勢竇希避弋情子卿持節返豈有眾同行

牧馬出

胡地宜華音驚嘶赤縣中識途偏害稼滿野聽皆風未飲長

城窟幾鳴魯頰宮欲空凡馬盡誰貌玉花驄

大嘴鳥

啄屋啞啞者長安城上來雌雄迷晚世休咎懼凡才八九子
何哺萬千歲總該顧瞻誰與止頭白重堪哀

燕

寂寂無可賀呢喃來羽衣爾胡猶未是我領已全非舊壘泥
初落新腔舞厭肥茂陵誰上食含豆欲何飛

送輓

哀響欲成河知隨廣柳過人生皆有此鬼伯可如何龍亢曾
聞醢鴻輕亦麗羅士衡與元亮各自預為歌

鶯

好鳥不可致鶯鳴忽爾聞流聲真百轉隱語作雙文黃栗稱
留我金衣號自君詩腸方澀甚鼓吹有奇勳

妙四十四

塘報馬

一騎何為者蹏輕人帶鞬非時達寢所以垂叩軍門北至誰
牛鹿西征或鶴猿鈔傳憑若語虛實莫深論

鼓吹

一部何時給貴人都有之鼓非畫朱鷺吹或帶龜茲鹵簿行
當具牙門坐亦為我思古漫士偏愛亂蛙奇

騶從

聞說諸臺笠前呵也聳聽塞帷衣見毳簇仗氣成腥立馬排
乘石行人辟在珂車騶真共飲此見幕南庭

驛馬

鉦響小而急情知驛騎過逸蹏迸石急疲骨啄瘡多里正千
金購郵符四面駝賣兒供駿戲可奈使星何

鼓刀

聽此愴然者因之悟數端既操時可割有閒入無難感遇攜
椎奮辭榮返肆安奏刀非薄技羞比鈇長彈

開門礮

鼓罷幾聲雷衙參門放開萬人皆逐響主者獨持魁擗客堂
應絕枝官幕若堆莫將韓范地名與礮俱灰

布穀

我已學為農催耕正警慵插禾聲自別芒種節先逢出水鍼
須刺教犂犢有功郭公非早計縣釜待烝春

送義兵葉市

獨此鼓鉦異鬼雄又可知平陵千古義蒿里一時悲定有人
求首何須自抉皮蹶然起太息為擬弔橫辭

賣卦

季主君平後盲人黠婦兼有靈嘗自唱幾伯為人占竹箒無

妙四十四

重

爻繇去聲誇嚴過鄭詹不疑何待卜我老在嵯巖

滿鞞

所躡遽如許鏗然欲徧街屨人疑未慣長枹有何佳反趾雖
題遍華韉革履乖市閭無我迹自有舊青鞵

茶鐺

漫羨西江水鑪聲且愜懷湯華輕正好雲腳散難佳魚鱗形
從沸酥板汁豈諧傾鐺長一歎真作酪奴儕

八哥

小物關君國童謠幾世嘈能言勝鸚鵡別號又寒皋句足情
為累銜魚官欲高阿哥休絮語翦舌避兒曹

木魚

緣木可求魚驚聲出太虛生從舍衛國職伴貝多書煦溼僧
衣飯縣枯佛賸餘髡願我亦似攜爾當園蔬

鶻

好語出玄衣遠游歸未歸印縣時貴盛玉抵哲人稀神女名
偏麗芻尼報豈微南飛差似我繞巾尚無依

鷹

未見愁胡眼欣聞掣臂聲佳名吾欲命積怒爾應生霜後搏
添捷韞邊氣已橫驪山神王事惆悵憶昇平

唱邊調

畿甸煙花地茲聲何遽多關山度有曲楊柳折成歌客自幽
州至姬從塞馬馱吹笳煙酒罷高唱最相和

簫

蕭蕭來天籟小筳吹未勞層移調律細牙帶飾疆豪慈姥山
珍近秦家埒韻高知音元漢帝那復誦王褒

三絃子

妙四十四

舌

自古無斯制稱名實可尋六么存半索幾指發新音戍卒操
浮盞閨娃撥倦倦鍼淵明猶愧此絃絕一空琴

琵琶

名士曾操此佳人雅亦優漢妃嗟塞外商婦怨江州抱月光
襟袖彈珠潤柱鉤我因胡部造每不喚靈侯

箏

我不愛秦聲嫌其俗好爭瑟分雖誕說絃聲有哀鳴小婦彈
能妙勞臣泣欲橫開元朝士少誰與問瓊瓊

優戲

院本誰家奏紅牙度夜闌羣情皆假合諸態落旁觀禁忌刪
胡舞留遺見漢冠周郎坐上少概是浪悲歡

酒樓

羣飲誰為禁釀王今在樓健兒嘗得醉兵子號無愁把盞多

羌曲交錢一崩緘伯倫雖渴甚不上最高頭

蜂

豈出仙翁口知參共主衙通靈呼叱叱射覆識華華爾自君
為奉人看蜜是家笛師音韻好恰得到窗紗

雀

占爵吾無意稱賓爾自嘉野田猶畏彈階食豈為家化蛤感
非類衙書事近夸紀年同漢代嘖嘖動人嗟

西風

新政時傳北斜風又自西幽人披茅屋宿鳥毀朝栖亦以金
為氣難將雄作題封姨期石醋勁草未容迷

剪刀

鍼綫縮練具裁量待爾齊縫人斷江水寒女伴織桂廣袖剛
如箴縕袍辭贈綿圻圖紫鳳倒聲與歎俱低

妙四十四

三

羊

爾字從形舉諧聲亦得祥曾聞種地出我以讀書亡主簞髯
誠美通侯頭故香左公狎亂世故向此中藏

蠅

爾適從何至營營遽此中植豪吾已屢費豆客徒工畫妙真
堪拂詩窮聲遂同儻思漢代事重集未央宮

乳燕去

辛苦銜泥後羽毛今見豐受風斜已習掠水翦初工喜極翻
成別情多語不終他年如遇主姊妹或相同

追呼

動用軍興法時聽隸到門蘭絲求上考鶉結任窮村記撻稱
虞典鈞金引禮言使君曾寓目今有幾家存

早蟬

蟲關蠅狂日新間第一聲潔清露下宿礪魄腹中鳴裁影冠
知貴移情琴已驚人生泥滓內如爾退方輕

藥碓

儲藥因多病尋方學養生石砭真樂受玉杵誕多情黃帝師
難作王駘疾已成牛衣兒孰是吾欲與交盟

圍棋

一罌勞爭戰兩家如夏夷置君心貴定吞子事非宜我恐不
得爾公胡以此為黑甜初半局譁笑說相持

牧馬還營

逐草曾從善還圍頗苦肥歸心邊地有瘦骨路傍非華屋方
為寢連錢不受鞮鹽車太行下有驥淚長揮

歌蟲

亂入賢人舍偏養孝子膚乘秋尤蠶劇入暮已雷呼豹脚稱

妙四十四

庚

名別焦螟集睫誣掌捫煙燎後耳靜一時娛

定更礮

續火缸初置昏雅枝正分銅壺方辦水鐵礮已穿雲學子還
當撻將軍故豈聞從今五更轉夜夜為誰勤

磬

拊石敲韶後錚錚鐵至今音含秋氣重辨感主思深世俗供
祈禱皇王協瑟琴果哉吾可學荷蕢是知心

竹響

劃爾來何所天然笑幾竿筠柯原不改疏密聽多端慈孝吾
庭有平安世路難雪欺霜壓後此響未容乾

杜宇

欲拜無由見聞聲尚可尋雲安終古地望帝不灰心血染花
成色魂依鳥作音孤臣亦精衛起立看橫參

柝

警夜傳聲蚤隨風散響高軍營刁斗發棹路鐸號何處可
隣子長將永夜勞抱關雖薄仕吾亦弃秋毫

鼠竊

鼠子何敢爾窺人遂觸鐙時來穴空櫝不去齧枯藤某氏家
前徙仲能吾豈馮銅丸差欲試雖點恐難勝

深巷犬吠

何處聲如豹知來曲巷籬莫因投骨競豈有竊裘奇未雪驚
何自無鈴守屬誰近來貂不足嗟爾必逢時

駒

撼壁余曾是鳴雷他亦然勞生塵世內吐氣夢魂邊調息丹
經訣游神炊孰全何人臥榻側竟許爾同眠

鬼哭

妙四十四

五

昔僅聞青海今茲聽市門月昏雨溼夜欲語半吞言意似悲
身世哀當叫子孫劉聰運去日百里盡騰喧

骰子

寄託英雄意深藏盜賊軀何人能帽白恨我不鼻盧拋擲甘
從久盤旋叫自孤遠湖深夜火那解動長吁

和山賓樓夜雜聞詩

子鑿入郡舍作聞聲詩五十二首山賓居峽授經彼
其意作雜聞詩三十章余前後皆和之夫詠物之體
詩家所難和人之作宜不由己余非體物則詠懷而
已亦非和他則自道而已故言重辭複而有所不厭
也至兩人題目錯見異同如西北殊風韻響異竹鼠
分警竊雞別曉寒蠅判夏冬鬼歧嘯哭蓋類總緒別
余詩思亦因之惟茶鐺了無異今亦別作一章

北風

未雨豈其涼風來自彼方怒聲傳朔色噫氣自沙場難解吾
民愠徒思猛士揚窗前僵臥者夢或到羲皇

山鬼嘯

長嘯此何物索之不在梁女蘿衣或帶木容韻能長逸響疑
非厲吟風未是偃楚臣哀怨意寄爾及雲湘

冬青子落屋上

有實敲簷累更深入聽重子雖如雨散女不受霜封蔥蒨冬
深色飄零屋角蹤誰能數點滴鐵漢愛相逢

鹿鳴

豈自清谿出長穿豐草鳴麋中爾號大鹿類此諧聲毛異羣
能辨音聞客問名邱樊余亦住仙隱幾時成

猴囂

妙四十四

獨有孫供奉懷唐悲不勝今茲囂以諍應是躁相陵賦聽狙
公否人譏楚俗曾啾啾清夜嫖我與柳同憎

野燒

天與火幾交寒空欲燎毛蒸霞來樹杪烈燄到山坳燐血疑
相亂畬田豈及燒焚如莫共盡旅鳥愛栖巢

冬蠅

山賓云十月末
旬蠅來鼻上

嗜汗神為王經霜聲亦屏鞫躬占代國集鼻喻天山關處歐
曾賦寒來張更訕莫言癡絕甚驥尾本羞攀

村人唱

高唱出前灣聲長響眾山似從社酒後或有負薪還調豈商
兼羽音疑土帶蠻我將歌白雪誰一動歡顏

竹韻

似此泠泠韻悠然萬个齊豈因翠袖倚仍帶好鶯囀人夏琅

玕玉風吹鸞鳳栖感懷先世澤我亦有鵝谿

獨犬吠

三狗曾傾魏茲村不再逢千秋幾黃耳比戶一烏龍食少裁
供口家貧任盜蹤林警爾亦吠破我睡思濃

繅車響

亂日資生計女紅未可慙木棉近世見絲繭古來諳紡織蟲
猶號綾筐婦合甘鐙前宜入聽高誦與相參

枯樹搖

搖落樹如此我將何以堪微風撼欲仆病葉脫如掃丞相祠
堂柏詩人茅屋楠同歸庾信賦哀又到江南

山鳥

眾鳥名難問羣嘯入聽遙山光誠可悅林茂亦堪招飲啄廉
無咎樊籠靜豈邀鳳凰所以貴希見在丹青

妙四十四

无

鼠警

我與貓俱睡牀前已幾巡穿墉雖苦物作響正驚人行跡留
真好銜珠報况神堯囚舜野死虎亦爾同倫

鄰貓山賓云鄰貓與屋鼠
遇而不捕也致語焉

不職有如爾迎來誤我深鄉鄰賊正劇禽殺義當任金鎖飛
徒捷魚餐費莫禁同眠復同乳悵恨淚霑衿

村童鼓吹

鼓角喧城市驚聞到草窗漢胡聲雜見雅鄭器齊撞娶婦吹
前陌迎神奏近缸頑童雖試戲不似暮笳唳

迎佛

社鼓歇前朝金鏡又徹宵疑將賽報典雜向鬼神邀釋耒觀
僧呪除堂倚梵寮近來尤佞佛髡首返谿橋

虎過

寅容肅鶻聽林前風正腥知從使君化莫中秀才局跡辨天人指行呼大小青夜來衝爾過奇語未曾經

野鐘

歷亂鐘聲乍知來遠近蒼寒山疑夜半天闕發晨參不信聲從石誰將定出龕景襄銘有幾那得謝瞿曇

寒雜

客至豈中夜爭鳴應為寒埭疏霜氣重羣少羽衣單承露殊方絕司更冬月難桃都回暖日引吮看征翰

歸人語

越陌還家客斜陽晚照身似云犁犢瘦亦指菜苗新困廩商難繼催科歎苦頻感時思往事小立數君臣

擣衣

清杵寒閨事從來詩苦辛風前空裏力月下意中人衣不如

妙四十四

三

新好砧為夫子身擣成非寄遠胡馬在南津

逐狸

怪得人相逐胡羣似又睽興妖老表誤射首列侯題遂盜社公馬日攘鄰者難不來名爾意詛祝遠吾栖

斲木

匠氏顧山木丁丁良可猜大都耒耜具亦或斲輪材斲飾青黃好朽經雕琢灰天年我欲老擁腫不堪裁

野哭

中野茫茫處悲風助哭寒政苛宜亟去病死有何歎疾痛呼天遠踟躕留命難行歌又已有哀樂總心酸

茶鐺

今歲旗槍劣鑪紅手為煎麤人那取雪博士竟支錢自潑意何限有花浮正圓觀書殊引睡賴此一醒然

誦詩誦者余孫豹奴也時學為詩

小子學夫詩洋洋入聽宜周宣雅有什杜甫史為詞發憤古人意興懷余自知東籬一臥瘦鬱屈語多奇

穉子擊節

竹馬嬉難馭滄浪歌欲南霜毛見焦殺齧齒有英威古擊淳風壤今敲窮谷杉一般天籟出治亂各為鑑

磨刀

日礪何為者將無是孟勞不辭刃傷手欲刈麥如蒿江水取相淬妖腰為我膏頭環那用問報國一吹毫

鄰春

儉歲難精食茲聲感慨重余方就廡賃誰正隔籬春漢法寬為役鄰相力勿慵定交求好友此際或初逢

除日得和州戴本孝書及所貽詩畫即便寄答併問其

妙四十四

至

弟移孝以僧服歸者

遠道崎嶇札臨開恰歲除寒風催改朔枯樹寫遺余到眼河山色懷人涕淚書鐙前林吹急飲羽憶當初

悠悠江水闊恨恨歲華移以我山堂坐生君墨汁思詩成兩地寄夢去幾人知為問天親聚遺經共讀宜

元日小飲孫漢系輒呈二詩喜有此作

藍尾從吾殿青山看物移雲占心已懶敲語喜能奇耕研成三世珍書卻一瓶他年光燄在人比杜家兒

貧來未廢學客處少分甘愛爾不好弄猶吾性所耽辛盤五字侑舊臘一家諳宵雅從前肄詩鬪行共探

再用韻戲示漢系勉之系小字豹奴

得姓龍馴日承家蛇斷時中原皆號漢華胄遠如絲系鼎嚴彝夏維祊稟父師嘉名吾肇錫提可足長思

亦嘗戲乃父云爾有佳兒豈誦老夫句遂成童子詩朗吟如健憤把玩慰流離玉勒驕嘶者新駒最善馳

小字先呼豹文章蔚可諳守廉水幾勺抗隱霧常含温厚詩之教雪螢古所耽袁家有學海一半也宜探

說棋微智意讀賦諱堪澤自昔多奇慧兒今勿放憨易云過其祖人詫勝於藍風雅還刪後茲薪有荷儼

人日見持折枝梅者有感因憶漳浦公丙戌有是日

帳勉觀梅花詩追次其韻

嘉樹果為梅冰天恰恰來寒深清藥結雲重拗枝開破碎玉何恨黃昏月可哀桃符隨世換看爾忍銜杯

神荼方易面羣卉學趨時獨有梅存古能同石不移巖霜先犯色橫水老撐枝休說羅浮夢疑天亦未知

楊補圖千幅林逋臥一方但能高戶閉未足使軍張蓋以老

妙四十四

三

彌辣梅當凍見香流漸龜手日達者正寒裳

風吹及枝折知與本根離繡幕豈長駐泥塗亦有時蘭心差可語荃草尚縈思人勝知何日羣兒競髮絲

躡青節有感和山賓作

二月二日躡青蜀俗也先一日唐置節名中和

昨憶中和節今辰喚躡莎唐家曾盛事蜀士近如何柳澀穉全隱蕪新色尚謠當春愁寓矚眼暗幾揣摩

寒燠誰為使凋榮苦不停一時又草綠萬古獨山青望望愁成感萋萋雨復經出門迷去所行藥亦中庭

寄懷方淑人

學聖前秀水令

可愛駕湖長真稱彭澤徒五年一入郭入口半成逋井曰依巖壁盤餐但圃蔬欣然有■謾記捕魚圖

寄吳緒倩湧泉寺

之子談經處余曾游暑來泉聲度枕席屐齒沒莓苔峰老僧

常在堂窪龍未回欠伸拋卷際眺聽幾徘徊

姜生可久來過有感贈別

古寺泉曾瀾平疇綠又移論詩知進昔剛髮已隨時近事傳
并代姜生父微軀寄鹿麋春秋家世讀抱此欲何之

多訪丹鉛錄勤繙宛委編氣華書在腹石斷研無田憶弟從
容際姜生弟可稱師向讀前楓林如入夢命駕晚秋天

法死難空之五十詩

結髮知吾子相期意頗奢遭時甘放廢采隱到幽遐篋奉先
臣牘林希俗士車何須更服食散木歲年賒

曆日知無有友生記爾年田閒遂半百海上誕三千得句教
兒誦謀觴喚婦前灌畦與飲犢何事不天全

微尚期能遂臨觴也可歡數椽劉費築八口蕨薇餐物外田
園起危時膚髮完故人通一訊如在白雲端

妙四十四

三

和遠公湖居詩六首

遠公晨起午睡夜坐放船納涼畏人六詩詞旨清遠
而又與余山居事合也故為和之惟峽谿無船濟以
竹筏土人謂之箴矣當其御風乘流亦復何異故詩
詞差別而題則因仍齊物之意我得之濠上也

晨起

客夢易為斷晨興自啟門展書除夙地占雨看朝曦花露溼
方重山嵐氣尚渾鄰家聞早語出沒喚童孫

午睡

物役山家寔寢興良亦便有時行藥罷小復就牀眠睡美難
為狀日長真比年曲肱尋樂處簷影漸移前

夜坐

看盡斜陽沒宵分百慮澄警余聞砌語好友是孤燈惜日收

殘帙觀心學老僧朝來得失事勿復記吾曾

放船

亦有沿洄事長谿學放顛乘桴真可喜舍筏在何年倒影沈
波壁生香近水荃此中風浪少容得我流連

納涼

執暑今年甚微風亦已希偶然搖樹影便欲挂吾衣懷與良
苗樂情同籠鳥飛輕涼倚徒久處處發清機

畏人

知古幽栖者非徒鳥倦還物情誠可畏塵事自應刪祇讀牀
頭易相看屋角山故人車亦返余意得安閒

即事感懷六首

一日遂如此百憂真奈何輕人吏習慣憎主盜心多奴詎從
軍樂鄰申逐客訶我身同野鶴忽忽及宜羅

妙四十四

香

晚食已縣釜荒田又大零增科到穗稻裁口獨妻孥世亂榮
亡命年饑困腐儒尊空人亦散結客抑何愚

癡想從前悔留生只益愁曾無創國恥亦不補身謀病妾親
廚爨亡奴挾矢矛應門我即是土室築何邱

兵子日益劇吾兒亦已迂空倉惟歎雀大屋總輸烏殘帙行
當燼枯魚豈解煦西山峽裏在獨有抱髭須

嚴瀨亦老子淮陰多少年能為同室鬪肯向寓公隣守黑甘
成蠖如黃且挾鷗此來同墮葉飄急又他遷

為遠市朝跡難容薇蕨身旌旄吾僕美鉗赭幾家新丘鶴猶
逢箭神魚豈受緡雪霜嚴苦日尚有竹稱筠

藏書亡戲成

長物吾無有高哦世所迂登梁縣盜粟穴壁得藏書趙籬仍
存幾曹倉可賸餘衣蟬曾誤我笑爾盜何愚

廿載存心力連朝等驛郵酒家寧藥肆裏餅抑蒸餒飢不曾
余救貧翻助彼謀亡書亦負義陌路聽悠悠

漂麥妻常怪亡羊我自疑都緣故紙崇屢致斷輪啣羽化仍
存積魚乾祇似絲悔吾徒忍渴未及換清甌

我有負書處情知不肯留持杯當下物校字儼成雙絕愛偏
專帳平流徒滿樓叛謀因自起故合致羣偷

聚散尋常事問君何所之倉皇辭莫夜容易受輕貲三篋難
強記一經尚可師但祈諸鼠輩為送好新知

慢易常攤設疏虞缺印章是人皆小攫爾僕遂全攘論字金
無量稱斤價未昂預愁入手客又或睨其傍

中秋薄暮柯生招余及子鑾孫系小酌待月因憶山賓

高田

羈客幾年聚高秋今夜分張鐙為待月呼酒欲開雲久敬盤

妙四十四

五

餐數初涼鴻雁聞吾家三世具歎息有離羣

山賓貽新粟到

意料觀稌穫封題乃粟魁深秋山果熟涼月素書來千戶侯
難比七歌客可哀吟成正消渴盤剝口須裁

作客峽谿柯生歲一送蒯余亦歲報一詩昨蒯至而

病緒廢吟今當九日又復分貽感此寒花之來陋彼

秋雲之薄為賦律句謝與數俱

昨歲曾貽蒯慚余闕一詩病中秋思澀亂後客懷衰又見寒
花到仍當落帽期感茲同好意舊識有如斯

九日名堪愛五年情不移題餚吾趁筆分蒯爾巡籬節物催
顏變胸懷抱瓮宜霜前猶半吐著意與寒遲

半開白菊

不與羣芳競寧爭同類先迂遲非繆巧合吐有貞堅待月照

秋色憑霜見素妍看君懶慢意關捩時賢
亦有佳人喻織辭未敢題縞衣留繡閣皓腕蔽羅袿歌雪發
聲緩窺牆引面低離騷多比興遲暮故哀嗚

柯生再送白菊仍半開者

白衣人再到雅意尚深藏閨位宜仇紫中心欲近黃徘徊寒
雨外隱躍敗籬傍知爲同儕殿蕭蕭最晚香

和答山賓子相九日登高見憶之作

節物茲晨共悲愉各有家傍籬徵士怨戲馬上公奢小石躋
仍緩遙天思莫遮吾曹子細意俱付雁行斜
數子沈冥處南山或北山有峰皆信步無菊豈開顏薄露疑
霜白單衣對樹殷感時淚已竭此日不成歡

答陳秉文希昌書問

暑病支頤後秋風落葉初好用來遠訊佳句入良書遭世難

妙四十四

五

寬適謀生漸開疏吾曹例若此悔不早樵漁
安穩勞關念分貼見雅珍啜茶開睡眼吮墨笑磨人文事知
難斷鑪聲尚可親天都戎旅外書到若比鄰

寄懷王公儼心齋

白日羣看沒青山獨往孤扶犁消歲月枕石夢黃虞非不戀
城市何如愛髮膚一邱先世地真可卓屠蘇
知有山中事春禽亦夏畦旨甘進壽母句讀授羣兒庭愛棠
枝鄂窗吟榮木詩遠懷常不解無語但支頤
豈不知需次升廷薦未遙撫躬慚廩食褫服謝弓招一片石
堪語誰何容解嘲悠悠秉耒意斜日對山樵
愛石古人事如君別有因補天思未已礪齒意常新貞介承
先志磨磷鄙世塵檻池門壁處一一見吾真

世真還巢燧風親耕僮隸散改井里鄰通殘帙牀

猶積新籬菊幾叢有家原可隱不擬濃西東

黃菊一本獨晚開

亂草多相隱乘時亦已宜軒轅稱號晚靈武著衣遲色正羣
英伏期過一雨滋在中文闕日籬叟獨先知

本以東籬種疑成金屋嬌縵衣歌欲燦宮額點初描杏子裙
文掩釵頭鳳勢遙陸離荒院雨終不受飄搖

答周女為

南兼簡農父 岐子醞日亦

落葉散好友寒風來客舟深山看雁字掩戶試羊裘諸史從
何說吾曹真欲愁莫將顧曲意祇作少年游

新歲四日送子鑾之高田

晴色差宜屐冰融不蹟驢遠山新杳靄又路舊衡廬心目隨
春到交游入夢初好將懷抱去子細問安居

井里遙難共風塵知也新荒原留教魄敗屋聚儒人誦讀存

妙四十四

辛

遺帙犁鉏指廢昉春盤細生菜應與見酸辛

容秋吳少友過談數日贈詩四章用韻以答

秋雨侵簾日高人命駕時事奇成意外願愜若前期風雅隨
談笑綺黃見鬢髭詩書燔燼後欣此舊容儀

別後咨新事逃名未淺斟釀王辭大號歎伯祇幽尋嶺嶠柳

漿薄為程谿味深近村傾榼徧聊抱峽川琴

少友嘗游東粵西吳

名德君家仲荒寥淺土初蔡碑漸滿世玄墓痛憐余撰箸多

歸竊巢枝不屬渠玩茲七述意仁孝勝班書

長語欣連夕高懷敵薄寒事微興廢感詩雜宋元看攬鏡心

難壯銜杯氣始寬花時重度嶺有釀續清歡

已矣

已矣吾何憾飄零異域臣煙儒同子夏亮節敢嚴遵秋浦非
吳市桃波學富春自歡多病起曬藥不須人

已矣吾何望閒評旅枕書多年親誓墓近日快無居蹈海國
 先覺依山旅似虛雖留殘史在友伴壑溝餘吾寓題曰无居
 已矣吾何戀難酬廓土恩指教之字子廷壑曰无居託作詩孫漢系
 有鐵須函井無金莫閉門峽川非久客儋笈問桃源

妙四十四

三

嶧桐詩集卷第七

學桐詩集卷第八

二妙集四十五

貴池劉城伯宗著

七言律

宮入入道

用佛遠度韻

師氏休驚進羽衣洞天深處總宜妃便持團扇看丹竈好繡
靈籙當赤旗石室一心隨在可趙家萬事已全非他年擬有
君恩報麟脯瓊飴雜蕨薇

寄沈雨若

春澤

肅然孤閣只僧期乃爾劉郎一上之照檻片雲懸淡遠穿橋
微水送漣漪望中窅神能領世外歲華名不知有客其閒
高獨坐秋心秋雨可相宜

雨若有僧期閒又近刻秋心草

八月二十五補十五夜示李行季

連

十五無月

生來情性獨宜秋宿昔何因句未酬月為狂夫先匿影詩難

妙四十五

雜

一

悲響不成謳河山大漠同誰語輪戶孤衷祇自留今日忽關
搖落色湘君哀郢鼻邊流

讀丁太史講筵恭紀詩私賦

神龍久已寄高昇賴有文華片席親稽古原為經世事授書
合是革心人堂廉霽色思千載曠巷微權在一身我自草茅
勤問禱救時何以答楓宸

丁介之新娶嫂氏工詩字作此為花燭詞

羨爾修髯偉丈夫又從長爪上仙姑前因香案同為吏今好
綺疏並作儒逸少上書稱弟子馬融博學號師徒古來閨秀
皆輸此宛轉悲歌曷有無

九華雜詩

用竹枝體

癸酉春余再入九華迄夏半始歸愛山日久諸所涉
歷具前後游記中即事興感語故近俳觀者或采焉

自入層雲精舍過如經戚里奈歡何全除酒禁陶潛喜盡解
情言湯惠多檀板每隨香積至棋聲時與海潮和空王門際
紛相值古洞千年掩薜蘿

陽明祠內有精廬我住西偏臬使居題榜尚存新建字遺文
誰識則言書行看牆屋風雷失已見芹滌歲月虛自合姚江
魂氣老孔林不似學宮疏

臺廠寒空樹一圍甘泉去後轉霏微傳經門下諸生散習禮
祠儂往事稀斷碣儘教風雨掣化人時擁鉢衣歸愛他危構
高山半兩度憑闌坐息機

纔向幽巖一月留再逢臺使氣如秋大夫自愛蘭亭至小吏
偏欣金谷游呵導人喧悲磨蟻譯經僧散議椎牛但能買笑
求顏色散盡虛空不敢愁

水沸茶香正角杯忽然重客馬卿來興臺盡踰臨叩意猿鶴

妙四十五

二

齊生蘭若哀徒我登樓能嘯傲幾人聚族苦徘徊一瓢好入
雲深處坐待西春百事催

山中生事自清幽剝木通泉爨下收石筍四時供客住閩茶
一碗足人留放懷隔宿雲成海乘興牽情水滿樓世出世間
皆最勝道林買此更何求

梵夾塵封不紀年也多幽事足人憐每臨青季來禽字或動
高山流水絃百尺樓臺勞慘淡一家眷屬儘留連銜杯忽起
扁舟興盡在瀟湘彭蠡邊

閒從高處閱來人盡道熏修居士身姑孰客多喧鼓吹新安
氣至識金銀往還崖洞徒來速酬勸杯盤不厭頻最是過江
舒六國一聲佛號海天塵

好去天台問舊游攜來幾衲也風流松杉一路皆新植茅屋
三家盡古邱祇爲綠林過北道致教黃面繫南洲但蒙胥吏

來稀少恨別浮橋最可留時天台僧坐事入繫故漫引南洲溥洽為喻

赤日登高步步遲輸他作苦半山時長鏡不肯留磽确小犢

都將上險巖衝霧采薪過絕壁卷衣擔米度窮涯一家終歲

勤供賦未到王正已賣絲

天台高處不勝寒四望悲風獨立難我以輕衫當晝解僧言

嚴雪昨宵乾木皮覆屋冬能好竹葉編籬臥亦安忽視金光

開樂土滇南一塔日中看

相從絕險上天台願試砮巖萬壑雷撒手愧難如古德依人

恥復近中才耐將此地蠶為道到得前途花是臺最苦化城

飛錫客十年一度白雲來

李白祠堂累改營何人遂附裔餘名兼葭玉樹從相倚濁水

青蓮本自生為客偶然逢賀監在天仍已是長庚風高月照

千峰夜總有橫空絕唱聲

妙四十五

三

九華最絕霧光寒忽爾彌漫海國看鐘磬希微天外度樓臺

滅沒水中殘亦知幽勝皆堪戀不似瑰奇此足歎我每凭闌

成卹駭乘風御氣欲生翰

答方密之

去歲桐城作難密之止金陵猶招余輩雅集也今流

賊及其郭門殺傷彌甚密之書來頗有憂生之歎

相攜擊筑鳳皇臺蕭瑟人從鄉里來排難有懷天下士登高

誰辨大丈夫於今羣盜區中滿何處深山境別開自昔亂離

偏我輩江南此日倍堪哀

讀和州失城本末有感

魯孺發紀
乙亥冬事

亞父堅城一夕瑕骷髏十萬盡人家幾年墜戶多長策此日

追鋒少急車太守猶存張許節諸生私志董南嗟征旗颯颯

中流上誰向雞籠寺看花

諸將

諸將新承寵絕奇軍中氣色變旌旗異時刀筆輕橫草此日
兜鍪笑賦詩決表盡稱司馬法服鞭誰使蔡人知星車每自
來王所看爾酬恩燕時

秦盜徜徉大出關中原蹂盡又將還朱提文綺恩頭錫羽扇
綸中意尚閒士已飽酣應踟躕軍無斤候任徧欄諸公但使
櫓槍滅萬戶雲臺好破顏

洛陽無復舊名園江漢雄都晝閉門白骨撐了廬子國青燐
厯亂皖公藩僅遺南服巢多燕陣化猿近日元戎
來錦繡昇平願蚤奏義軒

寄題萬茂先溉園

幽思忽到溉湖雲繞屋枕柳隔世紛小隱或疑耽寂寞大儒
要自隔聲聞平沙十里川流曲高畝三時場事分正欲窺園

妙四十五

四

身未老莫將不遇索靈氛

剝啄閒園好問奇煙光四入照新詞著書不廢吝通德斬木
知當課伯夷行數晨星趨上隴坐看殘月偶臨池輞川人地
同今古可少邱裴唱和詩

去白門留別諸子

太息無從上諫書崎嶇行路獨難余同心蘭蕙能籌國異地
風煙未索居此去西冷懷武穆先于吳市弔專諸飛鴻到處
尋常事作客何須食有魚

贈別方密之限元字

物華全盛自開元底事紛飛羽檄喧如子懷孺猶未棄何人
挾策更能言稱詩但擬車攻雅命酒聊同鄴下園我去相逢
交結徧應知回首一平原

虎邱贈韓張甫

寒塘澄水照門開有客栖遲首重回七略校讐曾禁密九重
顧問尚徘徊人生慷慨悲歌地學總經綸雅澹才近日綸扉
如傳舍何憂文字不蒿萊

送萬次謙

六吉應詔北上

早年僑肸已知名忍向章江鷗鷺盟赤羽探丸人見慣玄纁
加璧俗翻驚書言世務推徐樂郡請便宜有少卿此去霜寒
多氣色燕臺待我說生平

園居雜感

偃息牆東一布衣已嘗筮易遜言肥靖蜓點水黃唐草紫燕
銜泥白板扉漸奉盤匱人錄錄愁看楊柳色依依獨欣樞要
無相問不用嵇康肆嫚譏

叩門人至說通家輒乙長書返客車便了不聽行買酒樵青
那得賜煎茶擲來堆案皆元草偶立閒庭看落花襜褕去時

妙四十五

五

簾便下滿垂蘿薛亦風華

上林花發自年年首著誰從塞外塞回紇曾覬唐殿闕匈奴
屢入漢郊塵傳言熟虜惟要幣獻策諸生不值錢安得長公
抒宿憤橫將十萬入居延

上將全依寇養安看他白晝脯人肝中郎擬畫麒麟閣御史
求弛獬豸冠作賊那能齊斗米承恩早似斬樓蘭書生不及
千夫長空負朱顏牖下歎

共說桃源水已腥先磨片石待班銘墨綬頗異魚麗色被練
疑成鶴化形幾月盪平期屢展萬方權算事難停無聊摘葉
閒書柿乾死花前箇箇螢

談兵夙昔傳閩海吹角于今坐楚江未見虎牙深擊賊何來
鷹眼化羣隗元戎勝算真無戰大將成功只受降五月披裘
何所樂鏡歌擬就醉殘缸

營書

三世藏書擬墨莊憐余徒讀未升堂東脩客遠難投好棄產
人今盡道狂攻戰漫從求鵝冶縱橫深鄙著聊蒼殘編但可
傳經術廢箸何辭典鷓鴣

江左懷憂幾載餘匡時應得覽穰苴神仙莫謾言鴻寶溝洫
先知紀地輿但織牛衣能給費俱亡羊牧豈為疏斲輪相笑
吾無憾耽道先生賦讀書

天祿蘭臺翰墨林草茅何自作書蟬一瓶懶向名家借三峽
聊從估客尋日月爭光思在昔文章緣起到于今小船滿載
歸連屋南面應誇好坐臨

取書何慮後人凝卓犖從吾且及時王蔡助談徒作枕子孫
充食即為炊家無女樂嬉連帳座伴嘉賓阻下帷高足若能
相轉授盡傾敝籠與清卮

妙田十五

六

卜築先人傍市園那知車馬動愁顏浮名漫自傳文見載籍
恆將小說刪烏跡螺書探絕嶺龍門馬走副名山久思避地
淮言易賣藥韓康一往還

覽江防圖有感

一時汎覽起長吁掌上岷江萬里途郭璞游仙曾作賦遠公
出世尚為圖應知浩淼南通北試問津崖楚共吳此水廢興
千古閱莫言大帝恃濡須

豐鎬秦淮一曲隈水犀全倚出羣才檄侯開府張三翼御史
分司轄萬椽可惜艚艫供薦寢未聞鞅鞞習登臺孫恩近日
焚棠邑火照鍾山畫角哀

高皇神武渡膠矐采石勳臣鑄景鐘運斗祥徵江吐貝橫秋
人盡水中龍逆流破漢康郎戰乘艦趨縣潁國封自昔開天
多作楫誰能鐵索限輪攻

天慙東吳事不然時勤廟算急防川繁華京邑芙蓉艦寥落
江干鸚鵡船野港菴蒲沾雨靜潢池鉦鼓與雲連漁磯自道
披蓑好欲俟河清定幾年

消夏

聽罷新蟬擾壯懷宿雲那得起高齋賈終大略寧韜伏莊老
玄關漫舫排但好著書人取去儻令執戟自談諧科頭巡檻
消長日欲賦閒情斤錦鞵

幾頃荒蕪幾歲年早餘水長沒湖田徵求使者持三尺斤賣
先人業萬錢敲案隱囊何處是營書蓄墨不徒然綠陰容席
妖氛遠澹蕩薰風伴晝眠

魚衝荷葉水流淙鷺立蛙蹲語太唳詞客安貧惟錦里狂奴
養拙在桐江驟馳便可登三五風貌何須並一雙出處升沈
恭齊事晴虹高影到南窗

妙四十五

七

開襟擁月上闌干默數花須秉燭看千歲繁憂消促漏一時
羣又集長安進賢受賞誰雕璞察子張羅但索癩暑夜接來
芳訊遠白蘋風起頓微寒

雍石蓮

鵝鶩

戶部自黃州寓張來章

采

見寄書作此奉

簡兼訊賊情

去歲相逢正篤寒持籌不廢論文歡軍前飛輓誅求急幕府
從容禮數寬一自九江持使節又聞三峽走狂瀾良書迢遞
來天際未讀先吟蜀道難

石蓮以丁丑移駐九江越戍寅
春暮書至是時秦賊入蜀矣

臨川舊令澹孤清家食尊鱸豈貿名冠蓋京華無問訊寨帷
講授有逢迎幾年東菊鄰高士此日南箕鏡孽卿誰昔同門
多勝好惟君空谷見交情

彈丸江國易周章行路傳聞事萬方天上禁軍魚麗陣軍中
常侍象身璋有無李祐禽同黨果否楊么解舊裝君自轉輸

功第一閒遺佳句滿西陽

飲楊維斗書屋

知君堅臥正黃梅，載刺盈車望屋迴。忽為相思邀折簡，遂忘稱疾試新醅。肝衡涕淚因鉤黨，譚藝軒渠薄玉杯。氣節有年吾最服，公車

向許孟宏鈔書兼致令子孝酌

芸閣初開座有銘，索邱古色照中庭。為因玄度風流勝，故與真長日月停。惜讀未能周琬琰，倩鈔聊復典尊錮。何時史就多成牘，乞我陶家數十瓶。

懷陳臥子子龍里居

有白雲開卻上峰，臥樓安得久高蹤。論官佐郡為司寇，持服依廬辨老農。三略盡鈴宜慷慨，九州大被好從容。得君數輩澄清早，我自長謠古樹筠。臥子有白雲草所居曰臥樓

妙四十五

八

相公墩閣上作是南唐湯悅讀書處

避暑扁舟路轉遙，偶來危閣訪僧寮。當門淺岸留青草，繞寺枯楊擲白鱗。送盡江風來此暮，生殘海日待明朝。牽波野屋生秋色，指點牆東對麗譙。

南唐使相好文章，曾此垂竿對夕陽。筆勢際山成橐籥，簞紋接水上匡牀。功名雖減朝廷小，邑里猶傳制誥長。所讀何書吾不問，孫弘開閣幾賢良。

馮千秋延年來池州司理署中約以五日出共劇飲不

及期忽過歸寄此聊小詰兼致張嚴諸子

襜被相過正豔春，約從轟飲選良辰。尋源擬入秋為浦，倚玉由來山照人。馬首忽回無一字，魚書追上已三旬。湖頭徧問諸兄弟，峰北峰南爽氣新。

觀戍兵還自安慶

四百三十三
馮牙吹角赴堅城又見翱翔返舊營
賊過每傳符檄去兵還時見篋笥盈
將軍自不言刁斗僕射真當如父兄
聞說及瓜農婦喜爾來渠得有西成

烹魚有感

池上多魚擲水汀頻年曾留落三星
剖書每笑呼王涉注雅空能識丙丁
抱鉢豈因爲客困釣盤須使作仙靈
試將遠汲烹雙鯉尺素無人勸醪醞

夜望單飛雁

吹月涼風葉半枯樹頭斜影落哀呼
渡江自合形成乙入塞誰令羽獨孤
急難弟兄中道失劬勞鰥寡淺沙
埗稻梁熟處多矰繳留取微軀作雁奴

寄宣城令余麋之廳

夫君夙譽動明光晝裏江城新縮章
文采雙旌游謝朓謳吟幾日見陶汪
景梅亭上誰爲友原籀堂前許若狂
花滿錦城他日去齊山煙岫但相望

妙四十五

九

雜感

幕雁池魚一水分腥風自北客舟聞
淒涼沉見江村柵零亂誰當澤國軍
巷伯真成都統使樞曹堅樹止戈勳
書生空佩寒光鐵短棹孤洲看暮雲

江行即事

籬繞衰楊半畝宮小舟瘦荻共搖風
自憐婦子幾爲虜更訴征輸苦在公
守土未聞逢杜父論兵誰得似終童
學書說劍皆何事坐歎長江冷落紅

聞黃宮詹劉趙兩翰林謫譴

百感攢眉弈局非又聞禁苑諍臣歸
羅倫自昔聲名大居正從茲事業微
關月孤山驕獵騎江風帶水保漁磯
夏官偃武

戈矛在一戰難禁敗艦飛

答雲南王升如

開 萬曆中給諫伯舉公子也送余北上詩有如君痛哭入承明之句

先臣諫草夙聞聲子更離奇旅舊京到市耽書螺鳥跡登臺
求友鳳凰城滇雲洱海人千嶺江雨飛蓬髮數莖我去仍聽
歌斫地不能痛哭學詩鳴

答熊仲平

坡

飄然江際泊孤蹤猶似支牀一睡慵處士虛聲純比盜迂儒
應召必歸農笳營鳴將徒吹角野草聞人幾臥龍嘉話相推
勞遠祝燕臺寥闊有奇峰

渡黃河

大漠茫茫風正高吹人北渡此緜袍黃沙一色同雲慘青雀
千帆拍浪囂塞外蒼涼曾幾折中原襟帶獨多勞時危況復
煙塵滿坐見秋陰起怒濤

妙四十五

十

輿中雜詩

野闊天低氣色黃北風盡勢薄衣裳霜零柿葉皆搖落塵沒
車輪欲渺茫此處幾成甌脫地吾家猶自海王鄉稻梁山樹
連朝絕始信中原各一方

德州逢李小有

盤

立馬黃河古戍灘逢人盡說北征難誰來霞氣軒軒舉我覺
松風謾謾寒長語班荆皆表餌緩歌折柳論纓冠幾年御李
欣懷抱大陸塵飛試共看

寓慈氏寺六日寄家書

濟南紆道倍行勞來寓仁慈雁夕噉為寄北書煩驛致但逢
東窻勸逋逃狼煙隔處無消息羽箭何時得服攷七尺不須
多顧忌安危自有漢官曹

畿南雜詩

朔雲日暮為誰悲制府中車宴樂時關塞有榆憑壁壘幽并
選仗問兜離紅牙入豔聲留客玉帳追歡醉擁姬邊警但如
充耳琇不防馬革各天涯

我從彭義旅魂驚逐隊蕭騷達順城三設圍營如土鼓九關
丸塞閉雕甍大誰狂叫蒼頭走中謁親稽散髮行自喜遭逢
漢武帝橐街稽顙不知名

尉候軍都設幾霜又添幕府鎮漁陽上陵芳樹渾無恙乘塞
檀山或式螳安得頭為虎子漫麾漢劍忤貂璫待邊舊策

今何在京觀如天是國殤初設密雲撫軍以職方趙光抃往

漢京非小步難移來往朝天怯數奇九陌三條多列幕千官
雙鬢半為絲披裘白日看旗幟策蹇黃昏畏蒺藜試按國朝

疆理善朝鮮肅慎外藩籬都門城內路口皆柵

獨負威名擁萬蹏從戎哭泣夜烏嘯鋒車天際馳專閫鐵騎

妙四十五

十一

關前誓塞泥練甲衷纒殘月落麻鞞橫朔暮雲低盧郎馬革
歸麟閣生貌長應畫慘悽起復盧尚書督師

倉皇重足立京都街鼓難衝夕禁呼常侍親行賊捕掾中涓

兼領執金吾嚴綸夜發封潛降羽檄陰傳哨似無戚里誰家
張夜宴內人舞柘更吹竽總補內監服夜巡時禁塘報鈔傳

草盡城隅戰馬多沉復近郊過盧郎忽下銜枚令秦相

前謀歃血和廟勝折衝姑偃仰魂游在釜又蹉跎有征無戰
原王略何用蘆溝血染河

競看並轡出中朝樓櫓同登入絳霄秘計無人窺雉堞機宜
何自及芻蕘城隅攜手麾籌策官府同心布詔條俱是股肱

依帝座綸扉終不及金貂

白旗又度帝城邊大隊畿南緩步前彷彿知兵金元朮徜徉
索駭鐵連錢木讎徒設千層械火器誰攻萬竈煙眼看加遺

無半矢諸公帷幄意悠然

高陽故國斷栖鴉易水悲鳴總落笳馳去名王歡乳酪載歸
漢女奏琵琶孤城已碎隳亭障一陣誰思腦幕沙朝士驚聞
初失色不知餘有幾人家

蠟書無數刺都門連日燕齊鬼夜喧血碧古隄餘伯絲清燐

青荒邑想平原思馬垂革笥方南指戍乏瘕膏可止援最近

急防臨與德運河自昔水流渾

齊晉勤王命最先徘徊未欲趁殘年空券相避逾三舍執銳

長隨計萬全拾得留犁驚碧眼佩來短刃宰烏樵元戎四面

張金鼓誰掃機槍近日邊

相國臨戎也出關尚方親授五雲閒弄兒杖下俱緋帶狎客

軍中覓鷲鬣勿得趨和交寺尹急須刷齒轉朝班賞功效首

知多少諸將歡呼早破顏劉字亮請往行開

妙四十五

士

勳名早振未央宮前隊親騎白玉驄三十專征才召虎一朝

矢節氣如虹聖明豈信膏原野太史還應勒戰功諸帥安眠

無坐法有誰永夜泣西風盧督帥戰死賈莊上疑其

將毋汗血大宛謀漢使張鷟見跡不在市玄黃羣款段入宮

北壯愧驂駟肥因月旦觀皮舉誓為風高峻耳愁天廢幾年

將北伐驚看下駟淚空流時諸臣進馬

司農仰屋歎空壘南國枝官署久裁四壁未焚馮子芬千秋

欲築赧王臺外丹鼎火無容煉內庫琴絲或阜財減膳至尊

皇古少急公還信有三台時議捐助

司馬門無片語開翰林諫草動三陵狂夫不信賈終略儒者

誰為絳灌媒經術正須觀壁壘王畿何惜走塵埃諸公色變

先符口可築黃金比舊臺時禁言兵楊編修廷麟以抗疏改職方贊畫

晉川循吏本文儒幾月孤城得剖符堪守親麾山後郊迎

不媚霍家奴萬方悉索烏難集一戰何時馬亂呼竟以飛章
勞校尉轡車首報大金吾陳弘緒守晉州兩月有功以失膏察劉宇亮家丁歡被逮

賦得獨奏邊機出殿遲

帷幄從容決勝時甘泉烽達照雲螭起居雖令詞臣注密旨
惟同近侍知笑往平城無秘計詔來別殿奏便宜諸曹朝罷
歸青瑣誰比中堂退食遲樞輔出閣獨遲外庭不知帶報

贈丁天心

時學

乍來燕市問荆高初說丁鴻第一豪家本金闈工視草人如
軼并急同袍榻邊胡漢紛拏久紙上樞衡壁畫勞攜手登臺
霜月際自看筆甕與鉛刀

簡汪長源

傳

帝里風光在玉珂禁林詞伯更如何幾年慈水奇花滿今日
燕臺玄草多仙骨未妨元宰業雅懷宜得友生過康成寄語

妙四十五

三

長相憶卓犖偏人可許他

投馮鄴仙

元應

慈水馮家有二仙黃門諫草更爭傳早知李泌餐霞志仍作
陽城痛哭篇眾正安危差得此諸公喜怒亦徒然書生挾策
難言事閒看京華車馬闌

霜風吹客渡寒橋俗聽胡笳聲不遙恭望闕廷真縹緲流觀
睥睨有招搖驚心襪被來何事抵掌長纓未可邀欲計折衝
須禮樂正欣玉瓚擁層霄

和人寒夜詩

幾見從軍載轎車上林帛足亦亡書裹屍但願橫金革蒙葬
何煩賜玉魚誰料先聲成漏洩漫教兵法犯孤虛一時士馬
長平泣李廣無功豈計疏
戒心那有稻梁謀雀俯空倉得下不續挾蒼頭猶似薄履穿

從者莫為廋藏無蟻綠金垂盡價重烏銀炭亦愁萬歲山前
寒樹茂遙聞戍鼓向南流

長城馬窟奈秋何自昔神皇縱逸多邊將養奴呼義子

奏鞞婆

鞞婆琵琶也見韻會

參貂雖卻彎弓向表餌空談棄甲那

顛倒裳衣恆不寐主憂臣辱百回哦

待邊誰有郢都才漢法難寬不自裁向內轡車原欲裂征西

金鼓未聞催牛開穹帳平山谷馬過燕城數闔枚一月敢期

三捷願問人暈缺候蘆灰

集行人張來初一如齋中用韻

古香曲室小垂簾煨芋烹葵手放鎌人靜欲忘尊學列道深

真覺語言織觀書清宴聊成適挾策危時只自嫌暝色金吾

齊促別恐報刺閨籤

苦寒有感疊韻重贈張來初

妙四十五

古

草衣安得卻寒簾擁絮生憎被似鎌狂未呼兒分大小情非

神女賦濃纖淡交如子真無愧寡合逢人輒引嫌誰似至尊

憂社稷玉階夜半輒投籤

借人暖耳追和謝方石李西涯王鳳洲韻

適見李謝同聲集謝詩曰有旨百官用暖耳陸庶子

廉伯限韻遂成四首用簡西涯謝自注云余嘗有別

暖耳詩又云余暖耳比諸公敝甚李詩曰陵祀歸得

賜暖耳詩四首輒敢依韻而加其一幸勿以為哂也

李自注云時和者頗眾類為騎字所苦兩公前輩風

流于此可見王鳳洲續稟曰李文正吳文定諸學士

于海月菴賞十月菊五七言律俱以前用騎字押和

頗成險窘余戲悉為步之詩止一章偶按其韻亦即

用暖耳詩蓋當時賞菊亦限此韻余在燕邸不及尋

究吳文定諸詩偶借故人暖耳遂得禦寒深以為慰
旅夜追和聊用自嘲而雜感寓焉得七首

朔風無日不寒颼欲假輕貂出致辭裘敝長途難市酒步艱
天際始從騎與君同有綈袍贈似我方為新沐時強項于今
初借暖先朝和取翰林詩余素不善騎抵京乃願以代步

十月深宮早逗颼皇恩歲歲賜温辭公卿承旨朝前著隸卒
呵呼馬上騎隨指從軍挾纒日容頭諸老錦袍時此身寧復
營貂珥諷諫惟吟退食詩

燕市終風最颼颼賣貂朝暮費浮辭西皮爭作東皮看借馬
如同我馬騎常侍爭華紛此日隅夷不貢許多時低頭隕涕
思先輩侍從文章好奏詩內臣暖耳極多貂以東皮為上自
述左階而直貴矣鬻者偽以西皮

偶過公門拂面颼不為耳語況度辭金蟬柱下皆張翅駿骨

妙四十五

圭

臺前遂作騎七葉珥貂誇漢代四支無恙負明時京華恥復
為游說夜擬崇禎聖德詩

清風何日起南颼早送殘衣歸去辭家棄鶻冠曾自著市多
駿馬別人騎邊關猶數文皇事天下今非萬曆時貂產遼東
真不賤傷懷附耳頌新詩

複壁重門障夜颼歌兒曲度管絃辭侯家按奏燕姬伎衛卒
驕嘶胡馬騎幾輩貂璫歡聚日千齡狐白集成時笑余被褐
飄零久漫著高冠續小詩

萬里無衣故怯颼旅寒齋日亦空辭獨眠耳熱如貂賜危坐
身安當馬騎豈有千皮誇貨值也同八座拜恩時聖明飢溺
皆由己雨雪常吟出使詩

聖節日

紫宸端拱慶雲含兵氣全消馮岫南稽顙四夷瞻尺五叩頭

萬歲盡呼三華封祝早增憂懼宵雅聲應奏樂耽臣是書生
何以報不能封禪侈雄談

送楊職方廷麟軍前

推轂初看侍從臣
批髯如意指麾新
羞為立草空稱蜀
恨說桃花但避秦
玉帳即今行陣密
細旂稽古讀書人
彎弓馬上兼簪筆
露布先歸好畫麟

真如寺守歲

鹵簿將陳正直廬
宮中未點六更初
僮奴幾輩齊傾酒
親串憐人共食蔬
懃直莫趨交午木
紛紛誰記秘辛書
貴游邸舍招提滿
長樂鐘聲動索居
展轉宮中有聖人
安眠忍共草茅臣
將開閭闔朝儀肅
莫問京畿陣色新
宵柝猶然尊白簡
夜衣不復羨青綸
鄉心客夢風吹劔
豈逐雞籌博告身

妙四十五

去

元日

黃屋雲生如白鶴
青陽天子駕蒼龍
國中豈必憂郊外
何人逐元會
賦成惟吉日
初年詩就起和風
小臣不佞衣冠肅
私祝凌煙文戰功

王正二日逢李小有自廣平至時與城守事四十日矣
柏葉杯乾畫角鳴
沼州馬足朔風橫
忽逢仙李雲中墮
知自龍沙道上行
親見甲光開大漠
故留玉貌住圍城
陳陶近事君應識
取次何妨極語兵

春日畿南雜詩

古來歷下號金城
遂使裨王夜鑼鳴
調度早移東撫幕
救援安得朔方兵
疾呼憾少秦庭哭
待詔空多漢射聲
纔有奏又令千載痛
長平去冬山左數晨興
別殿嗟哉第幾層
齊國官僚誰尚在

宮嬪可能勝雲殘雁叫傷藩服雪散孤鳴想裕陵北狩東征
時事異舉朝知其憤填膺

新春物色似窮秋極目畿南不盡愁百二漢關婦徧萬千
禁旅內臣籌金鈿駝馬道山谷釵珥鸞鳳墮道周稍喜黃河
洶涌舊邊塵未敢逐冰流

戎師最愛近春城宿飽傳餐令不行已絕雞聲虛野店初來
馬足柵新營號稱天上千夫長謠畏高家一部兵試看燼餘
何處好休因錯征程

幾見嚴城或潰圍甲兵天洗待春暉張況欲優身手騎飽
兼應趁肉飛亦有王孫思綠草漫勞丞相出黃扉春農莫忘
驅耕犢笳吹駝峰信步歸

幸有鳴笳出塞時喜聞酌酒更長棋關山久狎填寢廟
方知守虎羅為憶冬初誰主戰卻憐春色自相宜莫憂後勁
妙四十五

開強弩更不窮探與北追

詩人史立納姬都門自命曰傾城悅名士盧公德水首
唱一章次韻贈之

有客風流在帝城仙鬟斂袖事為兄才名端自深閨識豔好
如通御水情但望筆牀成愛惜定將蘭夢見分明漢家通德
長相伴香案何須憶夙生

雪朝懷朱白石

幾年姓氏記朱家擊筑相逢易水涯貴主未聞新築拍名流
時過舊門車攜來楚澤行雲賦聽盡燕臺落日笳戎亦飄零
靡所騁雪深憶爾徑全遮

贈孫碩膚

班馬鳴烏毳幕空籌邊誰使適宵中有人魚雅閑機略教爾
龍庭失戰攻忠烈家承心法在文成地近素書同輕裘已見

真名士愧我長房

弓
平督師盧公象昇

一夕荒頭落大星毅魂應帶血衣腥營分西路成偏隊驢失
中車笑朔庭裨將誰為殉好水重臣自比死塚亭
來漢輔從無戰爾日黃雲陣色冥

中書朱湛菴常涇王孫奉使謁孝陵舟泊白下為我載

都門所購書數百卷見還且將從敝里過也感贈七

字句

烏號彷彿白雲閒銜命瞻依禮數爛中令滇黔傳鳳詔子侯
日月識龍顏乘槎書卷還千里譽我文章比二班若問水程
過下國大通江際九華山

逢陳定生貞慧于秦淮時攜其令子維恭同止書舍

輕衫赤日度關千笑將長髯坐欲寒篋裏傳經忠孝字懷中

妙四十五

六

黨籍顧廚歎羞稱陽羨書生技差許龍川老子看載得箕裘
玄共擬蔣山晴色照琅玕

贈方孩未震孺侍御時偶相遇侯雍瞻岐曾邸中

猶及清秋白露天侯羸攜手拜高賢豸冠觸處曾攀檻龍性
馴時已在田三事借才推舉首四朝礪節未華顛書生得失
談今古太息從前黨網年

楊龍友招集楚陶仲調汝霖滇潘蓮華即用仲調

扇頭韻送其北上

花影今宵失積陰古歡勝義此中尋坐圍吳楚黔滇客道纒
聲詩書畫林士行憂時戎略老公榮于昔酒杯深黃河渡處
雲堪寄飛羽休猜漢水音詩是日楚營

寒食日到江都喜與孫大宣晤語

昨冬霜雪君臨貺此際春風我到遲隔歲開尊思異地一朝

寒食正同時子荆華散煙霞在劉向芸編日月馳莫去黃河
問舟楫故人危酒未應辭已卯冬日孫廷評使楚過池州見詩

宿歐陽憲文蒸公廡中兼喜晤其令子

平山堂做舊家風樹老人閒四座中舉爵茂陰看玉樹操觚
承夜愛焦桐牒稀爭訟由玄理閣有賓朋識大公柱頰憑闌
多古思蕪城隋苑指西東

孫氏園亭

累日名園花事新深紅大白總宜人嚶鳴坐樹聲馨友香氣
穿簾步步春石屋小紆疑窈窕叢臺半敞俯鱗响翻書永夜
談長策傾畢消愁又一旬

同孫日乾釋雪耕出郭乘小舟至梅嶺游覽登官梅閣

一云謝公別墅

岸楊春水郭門東望古深懷一路中艇子欲浮隋苑去土人

妙四十五

九

指語蜀岡通遠林秀色先侵屐比屋縣帘盡颺風放廢行吟
應戀此僧筇客夢沉相同

梅老何之雖森陰萬樹得來難荒陂留照浮雲黯亂石
孤蹲落日寒幾輩游人跌斷碣一圍野色上闌干東山舊事
徒憑弔緩步深林雀語殘

贈錢孚子嘉徵

孚于於天啟丁卯秋以太學生首疏擊魏璫者也

人傳江上青峰句我愛湖頭射弩心無恙陳東思勝昔竟尸
王甫快從今十年往事滄桑感一日長談山水音懷古煮茶
亭畔客當時名在黨碑陰

送姜如須城舉南宮給假還里次來韻

秋風漸欲動霜聲宮錦身還牟子栖上國文傳紹理震故鄉
人返馬蹏擠相逢似立之罘石暫去應憐介羽雞高議全臺

惟女待長吟莫戀舊漁谿

胡吉雲直東華講請假還里

新秋樹色上宮庭恩予詞臣輟授經蒲波原通少海斗垣
舍亦近前星輕裝驛路兵過地下馬鄉園別後形莫倚飛霞
亭好戀禁中深夜每牽鈴

送王子美錫之官巴縣

至人何必躡通班揮手東湖舊釣灣萬里單車巴子國雙旌
四照白君山匡時策對淵雲似懷古功高慶傳聞奏最他年
來帝闕為余問卜錦城還

送鮑碧亭司理惠州

漢宣宋照舊家風勿謂威儀迥不同千里芝山來秀潔一官
槎水見清通梅花香伴平反臚瑤柱奇添唱和筒莫問神仙
遺履事承明虛席倚崆峒

妙四十五

送黃無伎廷才司理南雄

擁書人自偃王城佐領雄藩出上京建旆正膺司李貴看花
喜得嶺梅清黃塘驛路迎風節青嶂厓碑表姓名禁苑遲君
來草制奇功莫學棄繻生

八月十四日李臨淮玄素招集諸同人分得真字

蘭心好許洽芳鄰此會堪傳舊率真書畫氣移朱邸相梧桐
秋上紫貂身南山詩擬纏絲向石鼓文摩斑剝珉狂到月華
生又落皆言明夜色還新

侯家絲管本宜人為愛玄文寂寞親酬唱鄒枚詞賦客摩挲
哥定鼎彝珍分來禁苑秋光滿占盡歡場樂事真獨有江南
游子意明河在望總迷津

京華冠蓋總生塵文酒今宵以上真刻羽有歌齊奏伎鬱輪
無技不呈身先臣王李爭盟主此座應劉忝上賓忽憶榆關

人看月長思高閣又圖麟

送金樊桐 備兵蒼梧

清風擁仗出江城萬里交州驛路輕人自南譙儲偉略官于
新息繼高名蠻谿童舞齊迎轂藤峽兵消待勒銘報最南荒
休久滯中原側席望昇平

辛巳元日

四十年華夢裏消從頭蕉鹿又今朝憂時早問農占候念亂
愁聞星動搖敢向諸生推祭酒應同在客邸詩瓢夜來猶畏
催租牒誰似鄒枚在漢朝

元日書懷與次尾以其有移家入郡之約故云

筆林試寫又王正樂事相期對宇情輦上諸公多與黨江南
父老總談兵讀書未謝家人謫頌酒何關世上名客刺門前
稀可歎杜陵廣廈共生平

妙四十五

五

連日感歎與柯賢甫 之來

時事至今差可見先生何以著生平管窺垂老難浮海龐德
無田豈任耕人日穀日皆雨雪大江大淮總甲兵相逢菜色
不得語架上殘書徒爾橫

空堂

空堂積雪坐朝飢耕研偏驚吏打扉天上羽林須饋饗縣中
伍伯職呵譏次山無復春陵句房瑄常為青坂啼自古流亡
因歲歎俸錢能愧此人希

孔璋

孔璋不救李邕死大用能弛時勉枷豈是書生乖語默祇緣
柄政異貞邪當關有虎猶排闥游藪無麟今在笈北望同雲
真黯淡看他鳴仗足生涯

同朱雲子 隗入華山道中雜詠

青蒼在望意成涎，頗怪盤輿滯不前。夾路交垂松任撫，一巖
接引佛誰鑄。身非濟具情堪勝，學有同參義可宣。磴道應跌
相勸起梵聲，已落寺門泉。山半高峰為接引，佛像是朱白氏鑄。

山光遠照影紛披，笳下遲迴觸我思。趙氏雙墳凡夫子人指點
范家萬笏路參差，古碑漸蝕蝸為沫。大麥方枯蝗已窺，亦有
短牆遮少婦種茶。遲日摘槍旗。

虎邱月夜程穆情選過語用社集韻

新陰如沐照樓烏，有月窺人與客俱。一座香光歸梵寺，半宵
欣慨在江湖。賦心蕭散同司馬，啼髮薰修問給孤。頑石寒泉
千載共知他麋鹿，去來無

姜如須坡乞假南游結班荆，社余為作詩

細數班荆曾幾處，帝京白下與吳趨。相看漆室悲吟意，共託
高陽跌蕩徒。滿目旌旗迷去住，別思壺嶠亦虛無。蛾眉多少

妙四十五

新承寵辭輦方知與眾殊

贈沈次斌彙考叔彦章

堂敞高涼夏似秋，星占雲合盡應劉。角杯徵事文為睹，奏伎
移時漏失籌。連夕長談堪累牘，明朝佩去是純鉤。月梁從此
窺顏色，兄弟風流出隱侯。

題王氏小木天

過門已是山陰道，入徑真同蔣詡家。半敞軒窗來莽蕩，偶拈
蘭石見又丫。此中圖史堪浮白，何物蓬瀛更泛槎。綠竹青箱
千古勝，木天大處舊官衙。

野望

沙外游閑挂錦絛，輕衫斜擲劔吹毛。隴頭半黛非平楚，湖底
全青是淺蒿。一綫長隄童引犢，雙扉小舍婦傾醪。又傳舒皖
雲生陣，攤石谿流浪自淘。

行色

數里春光柳外迎，小山環抱有人行。沙頭白鷺風三裏，渡口
牙樁日兩旌。遙見網魚來市僧，或疑牽犢待刑牲。垂天忽作
煙兼霧，芒履長衝第幾程。

黃石齋先生同涂德公南吉以戍出都至白下

當年大杖不知逃，滅死蒙恩敢怨勞。侯勝授書儒者事，孔融
請繫少年豪。明時應自無鉤黨，畏事人將記諾皋。一代龍門
容易是，石頭城下短篷舸。

弛獄皋陶許執父，談經共載建安儒。三年畫地題飛燕，一往
遼山隔蟪蛄。儻耳不煩攜幼，小龍場定復授生徒。威儀應比
都門好，解葉曾經疏網無。中丞戶部兩公

送黃先生戍楚自蘭水匡山溯流上永

子厚尚教鈇辱，汨蒼真得用。修尊荷戈行，伍原君請呵壁。

妙四十五

三

巫咸休楚言，瀑布自縣匡。氏洞鋒車已過，鄭公門共知努力。

期宣室且看湘江白浪吞。先生抗疏奪情日荷戈上

閩陳百史還自黃州泊，清谿見訪上余先。隴留書見懷

不見頻年赤鼻中，兵戎隔絕斷書筒。健兒衝浪尊前白，老友

塞霞岸外紅。與梅惠連同舟東下五世何人銘馬鬣，此先隴余五世祖也一邱勞

爾問漁翁，卻知新句全哀激。江漲今看上柳叢。

南大司馬范質公先生諫謫歸里詩和方孩未韻

虎豹當關已見能，浮雲蔽處總陰凝。中朝一范如摧擇，前代

三楊未續，鐙忍看墨纒成。世界甘從青箬任，憑陵樞曹南北

原同秉，雌伏雄飛各自應。

不耐蕭蒿正滿林，憂時敢愛入山深。三綱父子難偏廢，一味

金繒定陸沈。沈鋤盡門蘭，排異議激成黃髮。動長吟，卜居莫擬

元臣意，自有風雷鑿此心。

嘿取黃扉豈不能投林願隔幾千層昔年居正曾元輔此日
清漳是好朋謂黃石齋也共惜蟬寒兢抱葉未聞鯢徒懼罹曾山
承嚴譴癸心在莫乞安閒信老僧

洛社多耆司馬少擊夏人未減仲淹休退耕身自尋紅友埃
罪旁觀賜紫裘癡處猶憂難舞鶴達時已狎一羣鷗獨看弓
劍會留守此去真成錯六州

贈光祿吳公

猶記平津為上相曾擠汲黯去明時百年計不容狐鼠一日
冠堪失駿議家學草廬傳注易官階光祿好名詩從今應有
同舟濟共致昇平答主知

奉別皖臺鄭公潛菴去京口得衣字

鄱陵故壘無家別京口看山遂賦歸草具士同雲子飯齋餘
客半水田衣陳吳昭吳眾香皆以稱悅與公友善胥鈔盾墨傳旌節吏誦良書

妙四十五

西

當佩章公有保和堂諸書此去可嘗收箭服莫不近王畿

陳吳昭丹衷數以漢宋舊物見遺

古色斑然足照臨輕施觸處是禪心擎囊僕輩參黃壁出袖
哥窻真綠沈誦諫擬將新畫寫度辭聊用近人吟陳作畫皆詭時事題云比于度辭寓公拜受難長語憑几時嗟土血侵

吳眾香許許出藏書借讀因賦贈示其兄弟

腕脫鈔書篋盡盈蓮花橋外色多晴五官未廢愁腸結數口
能飢恥舌耕馬上聲調推賈島庭中法喜比陽城豈知雙校
雕龍客無著天親真弟兄吳居南京蓮花橋者十餘年兄弟皆廢昏宦

又遇石齋機部靜海寺中

握槊行吟是路難一囊挂易雜征鞍寺前來客皆懷刺門下
何人不整冠禿筆字多聊應乞洗心名重亦非安兩公並有洗心詩
道卿更共元城住豈有琵琶曲可彈

孝陵道上感懷

蔥鬱相迎極目多，十年六度下坡騾。諸生敢向高皇拜，衛卒曾傳奉使過。誰聞榆塞監軍興，未設力田科我來。每對車麟泣日暮，長逢白玉珂。

有懷戴敬夫

重時卜居銅井陶窰

漁隱還扶樹下筇，壯齡避世興全濃。愛山一力兼樵采，近水雙鬟足賃舂。令子階前收賦草，良朋江北聽傳烽。時魯孺發居天門山闔門不復談間達，酒熟新篘雅自供。

泊荻港遇子鑾來自銅井因取鄭公舟次

月滿江灣樹色同，忽看小艇挂詩筒。飄收近問欣兒至，樗散誰知向鄭公。新事偶談榆歷歷，長途不盡鼓逢逢。五更各自聞雞起，猶是前宵訪戴風。子鑾曾自銅井訪戴敬夫

驚聞河決開封偶讀汴京遺蹟志擲筆成詩

妙四十五

五

游辰年前夢大梁，低徊故蹟慰行藏。東京遂作鼃鼃窟，西賊徒為鳥鼠亡。白水橫翻周棟宇，黃河倒瀉宋宮牆。飄零儻得聽明詔，舉目長天淚幾行。梁公狄約為梁宋之游，余南還，不果，聞賊亦因水而遁。

聖代陪都本豫州，即今桐葉嬾孫謀。隋隄宋寢牽長纜，帝子宮妃受小舟。開周藩幸如嬾，僅其一航避之河北。城近諸陵交濁浪，河行高岸見清流。誰承遠救中原命，任遣馮夷擊鼓游。

吳緒倩

應纂

將以周仲馭書入永謁石齋先生作此送

之

何事風帆楚澤浮，洗心學士服弓驅。榕壇鄰就袁家渴鹿蹟，書傳西小邱。鐵漢幾年留瘡窟，詩僧有日到儋州。辦香我亦從中寄，漁父相篋杜若洲。

答白瑕仲

瑜

依韻奉和

清嘯長談氣欲振，故交相對歎俱新。薊門險失神州急，皖國

兵多大姓貧幸有河陽旌色變差同西蜀草堂親即今命酒
猶成樂試共登陣已是春

軍城夜坐

油幕從容佩劍長雁橫暈月披殘霜海門諸將非兒戲戎府
元臣宿女牆名豈歐公辭記室願乖溫造赴河陽侵晨老卒
催人起賊騎傳聞出皖疆

皖歸

應教戎行聽賊笳綸巾漫遣布袍遮功成難待先長揖禮數
雖寬屨坐衙從事未容文更弱參軍誰是吏而華朔風曉月
江村遠畫舫高眠憶浣花

守歲

除夕還家自獻嘲今年風雪最相滄草衣輒可傾千盞脫粟
何妨共一肴僕效幽州橫短劍兒歸霄水擊長梢仰占斗柄

妙四十五

五

低窺鏡虛倚明年結小巢

元旦有感

曉漏新催徹紫衢舊年雙燭照屠蘇雲橫銅吼龍文缺風起
灰飛雁帶蘆是日甚風未信逸人能石隱閒看仕宦到金吾遲明
先為田家祝阻寇西山塞外通

青陽左个集夔龍朝正甲幾重九牧須前瞻漢闕千官

尚復滯堯封卻憐吳市能春酒猶憶長安聽曉鐘恣意讀書
移歲月似緣新沐改吾容

又聞楚警

謀國誰教頻屢從內地度冬春哀笳已近臨淮成大霧
曾無細柳人禮部輟科文似緩考功展計法徐申武昌忽報
樓船發竟說懷光起事新

雨中送子鑾之湖州先過九華

雙騎相從寒更嘶青蓮霧出半天低少年何畏行千里今日
還須過五谿已見梅開凍後尊定知柳長雨中稀越山疏淡
雲如畫好著新詩寄赫蹏

警至

辦飯雖麤救煮芹東流忽報左將軍旄頭黯接天東雨掉臂
陰連塞北雲半壁黃沙金鎖甲雙鬢白馬石榴裙不知符竹
憑誰遣兵氣彌空萬落聞

危城雜作

不寢周巡出曉昏提戈扶植自西門百年江左羣議到十里
湖濱戰馬屯開府哥舒功已錄乘流蘇峻法難原誰為鐵索
橫相截看爾逍遙夜豎旛

事起倉皇賴部分身兼數器有夫君當關自選蜂屯路設險
仍張虎步軍漸使周遭成鐵甕偶然馳突見羅裙曉殘鈴鐸

妙四十五

圭

談經後磨盾惟裁露布文

諸道勤王並檄呼將軍大義獨援桴不奉始知武俊從今有
真信花卿絕世無萬騎倘祥期白下片言談笑轉西郭祇憐

遠落生荆棘又巾舳艫列錦彪

傳堞高牙盡水犀樓船蕭鼓滿清谿誰將蝟領駢投北何止
鴟夷載姓西列幕大開雲外戟綠城曾縛雨中梯紅旗閃處
時無幾痛哭桃源道路迷水師數萬多婦人左兵緣城為

望見旗

大轟頻教折簡呼使君誰不佩銀菟昌黎獨入麀廷湊郭令

單騎見佗奴身手好看投石戲孺倪多自打糧俘一從承檣

醇相飲草色差存綠滿湖程公招左帥于清谿數與

布穀聲乾芒種過高低田滿馬蹏多吹塘楮窳生春草菜麥

供芟付逝波上冢已無寒食酒扶犁難插早秋禾吾池百困

單贏一賤值官鹽可障河

既掠鹽船遂賤賣之

古瓦荒燐曉霧濛偶迎舊識夢魂中五官尚在欣相賀一姓
生還喜不同鎮口縣帝尊盡綠江邊增寵土多紅最驚禹貢

漕儲舶入隊皆乘戰艦風

遊之者多遭殺或刺面盡買城內酒仍自開沽市馬軍既居人屋舟師亦張幕飲食于岸沿江為亦盡掠漕艘

他年弔古戰場文秋浦千村市陣雲白鳥驚飛看弩斷烏健
絕跡盡惟分偶遺平楚連枝樹未犯衰楊異代墳荷戟女牆

兼寓目依然豁曲繡為紋

栖遲不覺戢飛揚元老嚴辭片紙長楚戰尚留成子玉吳軍

偏畏左難當紂衣卒鼓沙棠檝錦繖人安墮馬妝印首中原
徒隕涕躬耕何處是南陽

程公既止援師不下淮督史公書尋至亦力折之師先敗于李賊

將軍舒六戰功多一旦猖披棄甲那鶴唳豈堪驚鎬雒虎牙
端合返灞沱賴茲曲逆捐金早不使無陰匹馬過此際徒薪

妙四十五

天

無上賞諸公敘績欲如何

兵執土人皆問清明日云將以是日會蕪湖開戰場也

對書而歎

金石盈樓字未翻素心擬列小東園丹鉛殘潘思吾父錦軸
新籤示幼孫雙校每嫌虛白日和吟不復賸黃昏一瓶闔室
相姍笑二百窻須傍塞垣

湖州健卒至

赤脚單衣數斗泥懷來縣牒印文迷寒亭新寨惟荒馬幕府
前旌斷午雞遂見江村成蜀道欣從越使問茗谿深山容易
庭闈訪誰許煙波借我栖

宣州青陽一路皆結寨自保行人頗詰難胡文喻遣沈家健兒省其

兄父

以詩代書寄子鑾茗水

爾僕還家帶淚痕其妻翦紙早招魂猗園梧竹悲先盡近隴
松楸幸獨存虎旅那堪供羣食豹奴已見具壺飧

孫名豹奴

猶有谿流好程尉功高子細論

城上作書答胡文瑜士瑾沈考叔彦章見憶

豈意江城歷黑雲郊原鉦鼓日相聞
父書不覺盈千字燭本曾還刻二分
益信治軍宜暇整何煩擊楫漫殷勤
礮車作枕聽譙漏纔夢蘇灣不見君

得巖子觀勸兄弟書因憶西泠諸友

夢繞明湖不見君開書先復誦顏筋
子觀王顏書似其伯父廢翁北峰青草沾朝雨
南國黃巾起陣雲每憶諸公談好武
豈知自我賦從軍秦樓簫鼓今何似
千里械愁寄練裙

萬戶

萬戶千門足我悲飄風南北自支離
邊庭未勒燕然石漢室曾鎚黨錮碑
左相禽知此月右丞破賊尚無時
江東正見青燐色戡定還應問大誰

妙四十五

完

兵後

誰挽殘花數日春驚魂不信暫時人
畏行馬渤盈千斛怯舞雞號已四旬
避世何從穿木榻養生豈待冠金巾
漫消苦恨杯中物握槊猶看月半輪

遂飲酒賦詩

淮右烽煙直北奔援師返棹過江屯
陳編好簡新和律古韻欣敲老瓦盆
盡典布裘穿犢鼻滿酌筒眼學鯨吞
杜陵狂喜差相似更少穿巴聽峽猿

過北門猗園

園有竹萬竿有月補亭先大王父石
溪公所闢園記載之詳士大夫出北門
者憩焉左兵去後僅存椽瓦而已

翠篠今春掘紫萌鵝谿拂馬小堂行
兵所居必破屋養馬縣鉤痕斷知

弓服倚柱煙埋定酒鑄出架牡丹餘股折寒牆辟蕩尚絲榮
傷懷手澤芟除盡忍聽園西婦歎聲

重送王鍾淑

芝瑞

提學赴蜀

真飭旌麾趣曉裝勿疑蜀道復青陽
僮奴身莫攜弓箭村寨人今識冕裳
劍外若傳收闖獻峽中好自徑荆襄
三升別酒重歡聚大雅堂詩勒幾行

王先取道西發以青陽寨兵阻返

買牛

軍令家傳徧督耕村農稍復望西成
鶉衣我典裁縫裂牛契誰書字畫清
劍欲防身無敢賣僧惟增價任相評
左師去盡收餘喘吳月橫天不用驚

胡嗣立司訓吾邑有秋浦游覽諸詩因贈

蓄被浣手十尋哦鉅鉏愚溪未足過
邱壑置身情性共文章持世諷規多
湖州安定原風雅南渡康侯斥講和
我欲清谿

如四十五

三

相傍去獨攜詩卷入煙蘿

贈撫軍黃公

配玄

七年江國勤勞宰幾日西京獻納臣
天子非常贈盧矢野夫重喜擁朱輪
新開戰色清宵月舊種花香滿目春
節使身甘同下客扣門惟有訪賢人

贈安慶司理來公元成

公蕭山人時左師駐皖

去臘雪深愁歲暮文章魚酒對詩人
今來六月舳艫滿同歷三春艱苦身
宛委藏中饒祕笈羣舒江上少新燐
泉陶作理兼兵獄引領君侯古與倫

與杜總戎

拍岸驚濤勢作鐔指麾聞說舊征南
家傳麟史忠貞熱人是虬髯圖畫堪
豐鎬遙從帆影莫鈺旗不礙雅歌耽
憐余烽火驚心後指客能來一睡酣

張將軍以舟師防守吾池贈之

何處樓船建犬牙清谿一曲鐵城遮受書可進圮橋履橫海
真乘博望槎此日江流安砥柱前年澤國滿哀笳看君投筆
威名立我亦從戎學兔置

金線隄

文光

將軍過話因感歎張二無璋中丞金張嘗

共事粵東

卓帽青鞵上小堂虎頭無復擊擊曩舊時廝養誰堪用此日
韜鈴獨善藏願盼談餘沙苑馬聲名史共富平張隆中何必
他山覓我那桃源七里傍七里石

十月五日懷集令李小有盤

以外艱歸停舟訪余與程

公即夕南發

載石仙舟自越來雪衣促坐訴筵哀話兼畿右成三笑談及
字滿郊南幾萬枝我輩古歡兵氣解健兒新簇壯顏開布帆

妙四十五

三

半夜猶長發疑似平原邂逅回

寄題石船山願夫人祠用方憲副孩未

震

為李小有

悼亡韻

洛神新得董狐微月湧英州影自恆千里僧迦迎羽葆六時
佛火換漁燈空中貝葉疑翻浪嶺外雞鳴戒飲冰可憶清谿
姑尚小定聞環佩到金陵

舟中書示吳山賓

筵

搖艣人頻見短衣曉霜犯月夢先歸鳥鳴隔岸巢疏樹漁網
低檣纜上磯入畫江流殊未了論書漢後莫全非與君幾度
風波過此去耽玄下破幃

除夕簡柯賢甫

之來

先生兼食為餉時年七十有八

客枕新歸孰起予計違函丈半冬餘還思昔歲申姻講次子
為柯交勉積齡讀父書齒髮衰猶抽艣架旨甘少可過吾廬廷鑿

寥寥誰主者英會自擬攜尊奉竹輿

唐費子軍宋錙世疎隱處吾友空之小築其間寄此以

贈

把卷長欣挾乳雛采桑深處督奚奴費劉往蹟書存石爾女
新交鑑共壺抄白飯同金地茗樵青貼在錦屠蘇卻嫌九子
喧車馬不及雙峰二隱俱

讀都諫吳忠節公絕命詩

封事從前急塞陰豈知暴有翠華臨御牀未寫彌留詔內省
先傳正氣吟卻笑羣公猶袞袞幸隨先帝共沈沈名卿多少
梁江總血濺朝衣不解簪

太僕申節愍公輓詩

憶公慰我答昇平我隱公遷各退耕冀北園人思太僕江南
國子誦先生豈將大節垂天地取有微軀報聖明掌露金銅

妙四十五

三

辭漢早烈風千載起泉英

秋杪同張菊人芳游茅山懷李小有盤有約不果

展期相待並雙駿大醉今朝約又空君是重來如病鶴我當
初去學飛鴻丹楓著意勞行客白石含情欲惱公賴有詩人
張枯在芙蓉踰徧句能工

游茅山歸呈潤生明府

神仙臬宅真如此莫更登封云與亭臥處一泓虛室白看時
幾點海山青雲中雞犬王家物道上桑麻政術經怪得雙鳧
翔寥闊鬱岡丹竈貼公庭

霜降日小有招同曾庭聞傳燈張菊人芳天生三石

兩季校書煙鬟佐酒同用煙字次小有韻

客身鴻跡已如煙又值微霜小雨天最喜蘭心談素業況來
螺黛鬪華顛論交徒想高離筑得句先傳李白篇無計救時

聊作態敲人，叙鳳不教全。
合尊薈澤裊鑪煙，此夕清歡別是天。豪客感懷兼笑怒，佳人
監酒制狂顛。風前樹結交輝萼，匣裏銅吟並有篇。若放愁心
淮水外，絕纓滿座復誰全。

別曾庭間五年喜遇之華陽用韻賦贈

燕臺游處總飛煙，狹路華陽小有天。念我新逢歌舞豔，看君
依舊語言顛。紅牙按拍人成隊，紫管連牀錦作篇。豪舉風流
堪命世，誰能瘖啞一身全。

贈李侍御嗣京

旗亭游處識金昆，今見朝廷得勉尊。高士湖邊嘗設榻，閩王
海上散長屯。當官吟諷真藏史，持服招尋肯倒樽。自笑復愚
文作冢，華鐙許共蠲猶捫。

聞蔡虬侯不及待余而去寄語悵然余歸自南都贈

妙四十五

三

之以句虬侯故金谿相國子

君去吾歸木上冰，齊山空自戀霞蒸。魚緘頻歲違千里，虎踞
前宵泣二陵。業自章門思握手，經傳劉氏歎垂膺。扁舟重作
江干夢，挹墨臨池定幾升。

